

四庫全書考證

三





叢書集成

初編

主編者  
王雲五

商務印書館發行

貴州省圖書館  
中文舊書



J  
17.8

證考書全庫四, 74

(三)

輯纂等岳太王

四庫全書考證卷六

經部

詩序

毛詩注疏

陸氏詩疏廣要

毛詩集解

詩補傳

詩總聞

慈湖詩傳

毛詩講義



卷之六

六

六

詩序 宋朱子辨說

卷上

大序吟詠性情以風其上。原本性情二字互倒。據傳說彙纂改。  
小序北門刺仕不得志也。案仕傳說彙纂作士。

毛詩注疏 漢鄭康成箋 唐陸德明音義 孔穎達疏

卷首

邶鄘衛譜北踰衡漳。疏漳水在上黨沾縣大壘谷東北。刊本沾訛沾。雙訛。並據許氏說文及水經注改。  
鄭譜今河南新鄭是也。疏斬其蓬蒿藜藿而共處之。刊本其訛之。藿訛。並據左傳改。  
齊譜齊者古少皞之世爽鳩氏之墟。疏昔爽鳩氏始居此地。季荊因之。刊本荊訛。據左傳改。  
秦譜其封域東至迤山。疏迤謂靡迤。境界廣被之意。刊本上迤字訛。地今改。  
小大雅譜傳曰文王基之。疏故中侯曰昌受命。刊本中侯訛。申侯今改。  
周頌譜頌之言容。疏祖父太平。刊本太上衍未字。今刪。  
魯頌譜十九世至僖公。疏立子開爲閔公。二年卒。刊本二年訛。立其據史記改。

卷一

關雎疏。摯虞流別論云。刊本別訛外。今改。  
言告言歸疏。隱二年公羊傳文。刊本二年訛正義。據宋本改。  
翹翹錯薪疏。釋草云。購蒲葦。刊本蒲訛蒿。據爾雅改。

卷二

維鵠有巢箋。車皆百乘。音義。乘。總證反。刊本證訛乘。今改。  
草蟲疏。御枉于輿。刊本枉下衍席字。據士昏禮刪。  
有齊季女箋。季女則非禮女也。刊本脫下女字。又祭禮主婦設羹。刊本禮訛事。並據宋本增改。又疏。  
孫毓以王爲長。謬矣。刊本王訛主。今改。  
江有汜傳。決復入爲汜。音義復。扶富反。刊據富訛福。據釋文改。

卷三

報我不述箋云。不循。不循禮也。刊本上循字訛述。據宋本改。  
不我以歸疏。不與我以告歸期。刊本與訛於。據本注改。  
匏有苦葉疏。匏不材。於人供濟而已。刊本匏訛葉。據國語改。又濟盈不濡軌。疏。謂輶是輶法也。刊本輶  
並訛軌。據周禮疏改。

行道遲遲。箋。遠徘徊也。刊本脫遠字。據釋文及疏增。在前上處。疏。以在前上處。文無萬舞。刊本脫萬字。今增。愛而不見。傳言志往而行止。刊本止訛正。據宋本改。

卷四

汎彼柏舟。疏。以興婦人在夫家亦是其常處。刊本常訛堂。據毛本改。靈雨旣零。疏。相較甚異。刊本較訛覺異訛矣。今並改。

卷五

淇澳。疏。武公以其賂賂王。刊本王訛士。據史記改。獨寐寤言。箋。長自誓以不忘君之志。刊本志訛惡。據疏改。報之以瓊瑤。傳。瓊瑤美石。刊本石訛玉。據疏及音義改。

卷六

彼黍離離。疏。則二物大時相類。刊本大訛天。今改。揚之水。疏。故言周人以別之。刊本別訛列。今改。中谷有蓀。疏。今莠蔚草也。葉似萑。刊本萑訛荏。據爾雅改。終遠兄弟。箋。刊本箋訛傳。今改。



卷七

叔子田疏。乃作亂之賊。謂之信美好而又仁者。刊本脫謂字。據毛本補。

青青子衿。音義。學子以青爲衣領。刊本子訛生。據監本改。

縞衣綦巾。疏。故言彼服縞衣之男子。刊本彼訛被。據二章疏改。又青黑曰綦。刊本曰訛白。據尙書注改。

卷八

東方明矣。疏。其繪本名曰緇。刊本繪訛繪。據儀禮注改。又追師掌王后之首服。刊本師訛思。據周禮改。不能辰夜。疏。凡國事爲期。刊本事訛家。據周禮改。

南山崔崔。疏。何爲又使窮極邪意而至乎齊止。刊本乎齊止訛齊乎上。據注改。

敝笱在梁。疏。毛以鰈爲大魚。刊本鰈訛緹。據經及傳箋改。

載驅。疏。與上互文相通也。刊本互訛古。今改。

終日射侯。疏。有鵠者無正。刊本脫有鵠二字。據周禮增。

齊國十一篇三十四章。刊本三訛四。今改。

卷九

胡瞻爾庭有縣鵠兮。疏。鵠。鵠。其雄鵠。牝。刊本鵠訛鵠。據爾雅改。

樂土樂土。箋。爰曰也。刊本曰訛日。今改。又音義。貫古亂反。徐音官。刊本官訛宮。據釋文改。又疏。地官

小司徒及鄉大夫職。刊本鄉訛卿。據周禮改。

卷十

素衣朱襮。疏。知諸侯當服之。中衣者。朝服祭服之裏衣也。刊本中訛也。今改。

卷十一

逝者其蓋。音義。蓋。田節反。刊本田訛由。據釋文改。

遊于北園。疏。乘車之輪崇六尺有六寸。刊本寸訛尺。據考工記改。  
方何爲期。箋。何以了然不來。刊本了然二字互倒。據疏改。

終南何有。音義。荊州曰梅。揚州曰柑。刊本梅柑二字互訛。據疏改。

卷十二

子仲之子。疏。序云。男女棄業。刊本女訛子。據序改。

知而不已。疏。今定本爲誰昔。刊本今訛合。今改。

乘我乘駒。音義。下乘駒。刊本駒訛驕。今改。

卷十四

其弁伊騏。音義。說文作璫。云。弁飾。往往置玉也。刊本置訛冒。據釋文改。

卷十五

四月秀蓂。疏。草謂之榮。刊本草訛華。據爾雅改。

函其乘屋。箋。十月定星將中。刊本十訛七。據疏改。

曰殺羔羊。音義。曰音越。或人實反。刊本人訛入。據釋文改。

是以有袞衣兮。箋。是是東都也。刊本下是字訛以。據宋本改。

卷十六

古獨爲饋。音義。饋。尺志反。刊本尺訛尸。據釋文改。

南陔。疏。磬南北面立。樂南陔。白華。華黍。刊本脫立字。又磬訛鼓。樂訛歌。並據儀禮增改。又後乃得毛公

傳記。古書義又當然。刊本記訛既。今改。

卷十七

蓼蕭。疏。州十有二師。刊本十有二互倒。據尙書改。

六月棲棲。疏。不讀如爾。刊本附訛幅。據左傳及周禮注改。

侵鎬及方。疏。故劉向曰。刊本訛作故知嚮日。今改。

田車既好。疏。間車軌之裏。刊本間訛闡。軌訛軌。並據注改。

改。又東都非正田之時。刊本東訛本。今改。

卷十八

又萊芟除可陳之處。刊本萊訛乘。據周禮注

百堵皆作疏。何休注公羊。刊本注下衍云字。今刪。  
室家君王箋。宣王所生之子。刊本所訛將。據宋本改。

卷十九

皇父卿士疏。小宰中大夫。刊本中訛卿。今改。  
成是南箕疏。舌雖小寬。不足以爲箕。刊本舌訛言。今改。

卷二十

匪我伊蒿箋。反謂之蒿。刊本反訛故。今改。  
自昔何爲箋。我將樹黍稷焉。刊本樹訛得。據宋本改。  
或剝或亨傳。或陳于互。或齊其肉。刊本其訛于。並據周禮改。  
君婦莫莫疏。內羞。麻羞。則世婦薦之。刊本世訛主。據宋本改。  
南東其畝疏。與匠人成間有洫同也。刊本成訛井。據周禮改。

卷二十一

頰弁疏。則此弁爲燕之服。刊本弁訛皮。今改。  
先集維霰疏。陽之專氣爲霩。陰之專氣爲霰。刊本霩霰二字互訛。據大戴禮改。

卷二十二



天步艱難。傳。襄人有獄而入之幽王。刊本獄訛獻。據國語改。  
瓠葉箋。飲酒而曰嘗者。刊本酒訛食。今改。

卷二十三

文王疏。二年伐邠。刊本邠訛邾。據尚書大傳及史記改。又尚書運期授。刊本授訛援。又坤靈圖云。刊本坤訛神。又不應此時方取正室。刊本正訛王。今並改。

本支百世疏。皆得百世相繼。刊本世訛澤。今改。又注引文王初載。刊本文王初載訛作上天之載。據禮記注改。

親迎于渭疏。以明天子當親迎也。刊本當訛常。今改。  
變伐大商疏。大辰晨正而農事起。刊本晨訛農。據宋本改。  
以按徂旅疏。以却止徂國之師旅。刊本旅訛氏。今改。  
靈臺疏。含神霧曰。刊本霧訛務。今改。

卷二十四

居然生子疏。少溲於豕牢。刊本豕訛家。據國語改。  
藪之荏菽傳。荏菽。戎菽也。刊本脫下菽字。據釋文補。  
行葦疏。燕代北鄙。刊本代訛伐。據揚子方言改。

醢醢以薦。箋薦之禮。非菹則醢醢也。刊本非訛。非據釋文改。又序賓以賢。傳使子路執弓矢出延射曰。刊本延訛廷。據禮記及毛本改。又疏解四鍤之義。言鍤是參停者也。刊本鍤並訛鏃。據經文及爾雅。

周禮揚子方言改。

黃耆台背。疏則老人於是始來。刊本來訛求。據箋改。

其類維何。疏章昭皆取此箋。刊本章訛孝。今改。

鳧鷖。疏經序倒者。刊本倒訛例。今改。

既燕于宗。疏若然。大宗伯云。刊本然訛無。今改。

于京斯依。箋與羣臣士大夫飲酒以落之。刊本落訛樂。據疏改。

洞酌。疏今呼鑿註音修。刊本音修二字訛入疏文。今改。又非訓饋爲餽。刊本餽訛饋。據上文改。

似先公會矣。疏成康之間。刑措不用。刊本康訛湯。據尙書改。

矢詩不多。疏春官太師。刊本訛作春秋之師。據毛本改。

戎雖小子。疏重丘人閉門而詢之。刊本詢訛詢。據左傳改。

大宗維翰。箋王之同姓世適子也。刊本世訛之。據疏文改。又疏若言宗人宰人也。刊本若訛君。今改。

卷二十五

桑柔。疏畢公入爲司馬是也。刊本入訛亦。據尙書注及毛本改。

靈漢疏。距宣公之崩七十六年。刊本十訛年。據史記改。  
奕奕梁山疏。宣王平大亂。刊本王訛平。據毛本改。  
率彼淮浦疏。故云浦涯也。刊本脫涯字。據傳補。  
昔先王受命箋。言有如者。刊本者訛昔。據宋本改。

卷二十六

清廟疏。明非相者肅雝。刊本非訛是。據宋本改。  
維清疏。樂記說大武之樂。刊本大訛文。據下文改。  
無競維人箋。勤行此道。刊本勤行訛其於。據疏文改。  
時邁疏。禪梁甫者七十二家。刊本二訛三。據史記改。

又不言徧羣神也。刊本神訛臣。據注改。

卷二十七

振鷺疏。始封于宋。未爲殷後也。刊本未訛宋。今改。  
有警疏。蓋依漢之大予樂而知之。刊本大予訛天子。據漢書改。  
載見疏。祝嘏莫敢易其常嘏。刊本脫下嘏字。據禮記增。

卷二十八

絲衣疏。其令天下立靈星祠。刊本其令二字互倒。據漢書改。

於皇時周。疏至平原鬲津。刊本津訛盤。據爾雅疏改。又今見在成平東光鬲界中。刊本成訛城。據地里志改。

卷二十九

有鱣有魚。音義。毛云。二目白曰魚。刊本二訛一。據爾雅注改。  
周公皇祖。疏。歲成王元年正月朔日也。用二特牛。禘祭文武於文王廟。刊本也訛於。用訛周。並據尙書注改。

卷三十

以假以享。箋。假。升也。刊本升訛大。據疏改。  
玄鳥。疏。又卽以五月禘。比月大祭。刊本比訛此。據春秋傳改。  
何天之龍。疏。則此宜爲榮名。刊本宜訛豈。據箋改。  
有震且業。箋。畏君之震。刊本君訛吾。據春秋傳改。

陸氏詩疏廣要 吳陸璣撰 明毛晉廣要

卷上之上

釋草采采耳條。許叔重曰。刊本重訛仲。今改。



予以采蘋條。孔子以童謠決之曰。蘋實。案蘋。家語作萍。又詩緝云。蘋可茹。萍不可茹。郭氏以小萍爲大蘋。誤。按爾雅云。萍萍。郭注。水中浮萍。江東謂之藻。又云。其大者蘋。郭注。詩曰。予以采蘋。是萍小蘋大。郭注分別甚明。而此云。郭氏以小萍爲大蘋。誤。蓋未深考耳。

葦竹猗猗條。毛詩云。綠竹猗猗。是也。又云。植物之中。有物曰竹。不剛不柔。非草非木。或茂沙水。或挺巖陸。按植物以下六句。出戴凱之竹譜。毛氏不引書目。殊欠明晰。

浸彼苞狼條。孟狼尾。今人呼爲狼茅子。刊本孟訛孟。據爾雅改。南山有臺條。與內司服所謂素沙同意。刊本素訛同。據周禮改。

取蕭祭脂條。先鄭以爲蕭。或作茜。刊本作訛用。茜訛茜。並據周禮注疏改。

卷上之下

釋木不流束蒲條。河東聞喜縣東北有董池。刊本脫喜字。據左傳注增。

顏如舜華條。如日及之在條。常雖盡而不悟。刊本盡訛及。悟訛悞。並據文選改。

椒聊之實條。漢李咸欲爭寶后配桓帝。擣椒自隨。刊本桓訛成。據後漢書改。

檉栝濟濟條。使求諸故府。果得之。刊本使訛矢。據國語改。

柞械拔矣條。三蒼說械卽柞也。刊本三訛王。今改。

卷下之上

釋鳥弋鳧與雁條。鴻雁不來。遠人背畔。刊本人訛行。據逸周書改。值其鷺羽條。大貝鼗鼓在西房。刊本房訛傍。據尙書改。

翩翩者鷗條。孟夏之日以熟穀禾。刊本孟夏二字互倒。據淮南子改。鶴鳴于九臯條。行必依洲嶼。止不集林木。刊本不訛必。據相鶴經改。鳳凰于飛條。鴝篋。鷓鴣。廣昌。鷓明。鳳凰屬也。刊本脫廣字。據廣雅增。翩彼飛鴝條。傳云。桑椹甘甜。鴝鴝革響。案二語出晉張天錫傳。此引目未明。

### 卷下之下

釋獸羔裘豹飾條。陶荅子妻云。南山有玄豹。刊本荅訛谷。據烈士傳改。

有熊有羆條。熊屬。足似鹿。刊本能訛然。據說文改。

釋魚象弭魚服條。夏官司弓矢職曰。仲冬獻矢服。刊本矢訛人。據周禮改。

成是貝錦條。以黃爲質。白爲文點。刊本爲文二字互倒。據下文改。

有鱣有鮪條。周武王伐紂。紂使膠鬲禦鮪水上。刊本複衍武王二字。脫一紂字。今刪增。

釋蟲頤如蠓。蟻條。蟻蟻大者如足大指。以背行。乃駛于脚。刊本背訛柳。據埤雅改。

蟋蟀在堂條。易通卦驗曰。蟋蟀之蟲。隨陰迎陽。刊本驗訛系。今改。

螟蛉有子條。劉禹錫謹案。蜀本注。按劉禹錫係唐詩人。未嘗注本草。又案宋人掌禹錫曾著本草注。見本

草綱目此作劉誤。

韓詩條授泰山栗豐刊本栗豐訛豐吉據漢書改。

毛詩條商爲之序以授魯人曾申刊本申訛身據序錄改。

毛詩集解 宋李栢黃樞撰

卷一

故詩有六義焉李解以齊其民則民德壹刊本壹訛歸厚矣三字據禮記緇衣改。

卷二

龜斯章李解如關雎摯鳥而比於后妃刊本摯訛驚據詩傳改。

卷三

采蘋章黃解女子十年不出刊本十下衍五字據禮記及鄭箋刪。

卷四

燕風章李解衛定姜衛獻公之嫡母刊本獻訛莊據左傳改。

卷五

施丘章李解不能救陳又不能救蔡物以無親刊本以訛亦據左傳改。

卷七

淇澳章李解竹蕭竹也刊本蕭訛篇據爾雅改。

卷八

芄蘭章李解藿九蘭刊本藿訛萑據爾雅改。

河廣章李解康子往焉闔門而與之言刊本闔訛側據國語注改。

君子陽陽章黃解晏子之御策駟馬意氣揚揚自得刊本脫之御二字據史記增。

卷九

大車章李解所不請於君焚丹書者有如日刊本丹訛其據左傳改。

丘中章李解所謂彼留子嗟者亦得陳風所謂子仲之子刊本陳訛谷今改。

將仲子章李解不能止其母乃所以害其弟刊本其下衍父字據詩序刪。

卷十

清人章李解後漢耿恭為匈奴所圍刊本恭訛公據後漢書改。

羔裘章李解言以豹皮為飾也刊本皮訛尾據毛傳改。

有女同車章李解又欲妻雋不疑刊本雋訛鱣據漢書改。

卷十一



溱洧章李解。鄭俗以三月而往溱洧。刊本俗訛氏。據韓詩外傳改。

卷十二

揚之水章李解。師服曰。異哉君之名子也。刊本之上衍子字。據左傳刪。

卷十三

鶉羽章李解。枯魚銜索。刊本銜訛御。據韓詩外傳改。

卷十四

小戎章李解。梁朝。朝上勾銜也。刊本下朝字訛之。又向下勾之。刊本勾訛內。並據孔疏改。  
豈曰無衣章李解。鶴有乘軒者。刊本者下衍三百人三字。據左傳刪。

卷十五

渭陽章李解。重耳。乃康公之舅也。刊本康訛穆。據詩傳改。

東門之枌章李解。則子仲必是王父之字。故以爲氏也。刊本氏訛命。據孔疏改。

東門之池章李解。使周宣王。齊桓公。楚莊王。而無賢妃以爲之配。刊本下王字訛公。據列女傳改。

東門之楊章李解。奔者不禁。刊本奔訛昏。據周禮改。

卷十六

株林章李解。討於少西氏。刊本西訛犀。據左傳改。

卷十七

七月流火章。納于凌陰。音義。力證反。刊本證訛登。據經典釋文改。又李解。火星中而寒退。刊本脫寒字。據左傳增。又晉宮閣名曰華林園。刊本名訛銘。據隋書改。又襄葵繁露。刊本慈訛蓂。繁訛繁。據爾雅改。

卷十九

鹿鳴章。黃解。歎然交忻。千載一合。刊本合訛會。據漢書改。

卷二十

魚麗章。李解。然陸元恪乃謂鱸魚之有力而解飛。刊本元恪訛士衡。今改。

卷二十一

彤弓章。李解。晉文公獻楚俘於王。刊本楚字訛在於字下。據左傳改。

卷二十二

沔彼流水章。李解。威烈王崩。齊後往。刊本後訛復。據國策及史記改。

祈父章。李解。天祚明德。有所底止。刊本有訛靡。據左傳改。

卷二十四

十月之交章。家伯維宰。刊本維訛冢。考唐石經及唐國子監注疏本皆作維。鄭康成周禮注疏引此亦作

維。宋史趙師民傳引之亦同。今據改。

卷二十五

谷風章李解。陳勝與張耳始居約時。相然信死。案陳勝卽陳涉。史記漢書載與張耳爲刎頸交者。陳餘也。至荀富貴無相忘。乃涉輟耕壟上語。刊本二事牽合誤。

卷二十七

大田章李解。或取一秉秆焉。刊本一訛以。據左傳改。

卷二十九

何草不黃章李解。故以率彼幽草。况行彼周道也。刊本脫率字。據經增。

卷三十二

行葦章李解。保定中。天子以子謹爲三老。刊本謹訛璟。據周書改。

卷三十六

常武章李解。鄭祭足帥師取溫之麥。刊本足訛伯。溫訛成。並據左傳改。

卷三十七

清廟章李解。明不蔽也。清不汚也。肅不亂也。刊本蔽訛惑。亂訛慢。據張文潛詩說改。我將我享章李解。含樞紐白招拒。刊本紐訛柎。拒訛炬。據孝經疏及許慎五經異義改。

卷二十八

有警章。李解。周公作象勺。刊本作象勺。訛象勺。武。據漢書禮樂志改。  
載見辟王章。李解。鄭氏則以爲思成王之多福。非也。刊本爲思訛思使。據鄭箋改。

卷四十一

闕宮章。李解。君子曰。禮謂先帝而後稷也。案左傳作禮謂其后稷親而先帝也。與此異。

卷四十二

天命玄鳥章。李解。天王使石尙來歸賑。刊本賑訛服。據春秋改。  
殷武章。李解。桷謂之榱。楹謂之椳。刊本謂之並訛之爲。據爾雅改。

詩補傳 宋范處義撰

卷二

彼茁者葭章。邁梁鷗之所著。刊本梁訛良。今改。

卷七

東門之墀章。以男女俱不由禮。刊本女訛子。今改。

卷十八

十月之交章。故不曰朔月而曰朔日也。刊本月日二字互訛。今改。

卷二十二

華仲氏任章。文王之聖。生於太任之賢。刊本聖生二字互倒。今改。

卷二十五

闕如虓虎。注呼檻。刊本檻訛檻。據釋文改。

詩總聞 宋王質撰

卷三

桑中章。欲納夏姬而適他國。故盡室行也。原本行訛楚。據左傳改。

卷六

揚之水章。廢太子荼。原本荼訛榮。據左傳改。

卷十

彤弓章。襄王用平禮。原本襄訛威。據左傳及綱目前編改。

卷十二

何人斯章。晉郤至與周劉子爭溫。原本郤至訛魯郤。據左傳改。

卷十四

賓之初筵章所謂酌數器量皆掌其政令原本其政令訛今飲卽據周禮改。

卷十八

韓奕章昭公適楚夢襄公祖襄公適楚夢周公祖原本祖俱訛神。又下楚字訛魯並據左傳改。

慈湖詩傳 宋楊簡撰

卷一

卷耳我姑酌彼兕觥傳觥姑黃切原本姑黃訛如黃據韻補改。

南有樛木傳木下曲曰樛案木今本鄭箋作本據此可以正其誤。

南有喬木傳蒹葭蒹蒿也原本脫葭字據爾雅增。又帆蒙籠以蓋嶼萍實出而漂泳案今本郭璞江賦

作石帆蒙籠以蓋嶼萍實時出而漂泳較此本每句多一字未知楊氏所據何本。

卷二

草蟲傳奇音青色好在茅草中原本茅訛毛據爾雅改。又蕨江西謂之藍案藍爾雅從草今鄭箋本直

作籠許謙名物鈔亦兩存之今仍從爾雅。

羔羊傳委蛇者徐行委曲之狀相者有曰鵝行鴨步為貴人相鵝鴨行亦委曲按釋似近俚

鄙。

何彼穠矣。案經文穠字。毛詩鄭箋本從衣。朱子集傳從禾。今從毛本。

卷三

擊鼓其堂。傳白虎通。高辛者。道德大信也。原本德下行之字。據白虎通刪。

匏有苦葉。傳鷺以水反。案鷺從唯字得聲。故音以水反。今集傳本誤作以小反。音天。當是傳刻之訛。惟此

本所釋猶屬本音。

谷風。傳隴頭水歌。將頓樓蘭膝。就解郅支裘。勿令如李牧。功多信不售。原本膝訛滕。據韻補改。又韓愈

詩。齋材入市賣。貴者恆難售。豈不畏憔悴。為功忌中休。原本畏訛久。中訛仲。據韓集改。

泉水。飲餞于坭。案坭字從韓詩。與毛詩作泥字不同。

出自北門。傳荀卿成相篇。門與根叶。原本根訛恨。又賦篇。門與神叶。原本神訛補。又艱。權也。原本權

訛根。並據韻補改。

北風。其虛其徐。案徐字。毛詩作邪。此本從爾雅。

新臺。傳籟條。口柔也。原本口訛背。據爾雅改。

卷四

柏舟。傳天之為言神也。原本脫神也二字。據韻補增。又飛龍秋遊上天。高賢愉樂民人。原本愉訛偷。據



唐山夫人房中歌改。

定之方中傳。徑邪賊田。政惡傷民。原本徑邪二字互倒。又駮牝龍身。日馭三千。原本馭訛取。並據易林

改。

相鼠傳。史記引書居南交。南爲正。讀爲作訛。案爲字。今本史記俱作譌。此所引爲字與索隱正同。蓋猶史

記古本之舊。

### 卷五

芄蘭垂帶萃兮。能不我狎。案萃。毛詩作悻。狎。毛詩作甲。此刊皆從韓詩。

有狐綏綏傳。平準書根帶。劉伯莊音蒂。案帶。今本史記作蓐。楊氏所引。蓋猶古本。今仍原文。

### 卷七

子之還兮傳。鼃采琬琰。和氏出焉。原本鼃采訛垂綏。據上林賦改。又鼃以藻繡。絡以綸連。原本綸訛編。

據西都賦改。

彼汾沮洳傳。其君子儉以能勤。案今本毛詩無子字。蓋猶沿宋時他本之誤。

### 卷八

椒聊碩大且篤。案碩。今注疏本及朱傳皆作實。欽定詩經傳說彙纂亦作碩。謹仍原文。

有杕之杜傳。漢童謠。游平賣印自有平。不避高賢及大姓。原字脫謠字。印訛印。避訛璧。並據韻補改。

鷓鴣傳毛傳曰行鬪也疏云以鳥鬪之毛有行列也  
原本行訛栩據毛傳改  
葛生傳蘇幽州人謂之鳥服原本服訛眼據孔疏改

卷九

終南有岨有堂案岨字毛詩鄭箋集傳皆作紀此從崔靈恩集注作岨今仍原本

卷十

鷓鴣傳毛傳曰拮據擻揭也原本揭訛拘據毛傳改  
東山不可畏也案不集傳作亦楊氏從毛詩鄭箋本

卷十一

鹿鳴傳桃愉也案愉字从陸德明釋文所據定本考服虔左傳注亦以爲愉薄也今集傳作愉蓋傳寫之  
訛

四牡傳雖郭云今鵝鳩原本鵝訛鷓據爾雅注改

伐木傳上大夫六豆六簋原本六訛八據儀禮改

魚麗傳陸璣疏云鱸一名黃揚今黃頰魚是也案今注疏作一名黃頰魚脫揚今黃三字楊氏所據蓋猶

宋時善本

南山有臺傳周御交戟禁不時原本御訛尉據柏梁詩改

形弓傳。載子例切。秦瑯琊石刻載與意叶。原本意訛旨。據韻補改。

六月傳。棲。凄也。凄凄有冷意。時有麥秋之寒也。原本脫時有麥秋四字。據樓鑰集增。

采芑傳。錯衡。文衡也。原本脫文字。據毛詩正義增。

車攻傳。班固奕旨。北方之人謂莖爲奕。原本旨訛音。據韻補改。

吉日傳。說文。嘯。羣口相聚。本亦作夔。原本嘯訛夔。據說文改。

夜如何其傳。珊瑚琳碧。璫珉璘彬。原本璘訛璘。據西京賦改。

### 卷十二

祈父傳。書曰。若疇圻父。謂司馬恤憂也。案今尙書若疇連上成句。圻父連下成句。此所引本康成原注。蓋

古人句讀如此。今仍之。

我行其野傳。言歸斯復。案斯。朱傳作思。楊氏從毛傳。

節南山傳。峨峨璞璞。罔識所屆。原本識訛試。據何晏景福殿賦改。

十月之交。家伯維宰。案維。朱傳作冢。楊氏從毛傳。

浩浩昊天。淪胥以痛。案痛。毛詩作鋪。楊氏從韓詩。

### 卷十三

宛彼鳴鳩。宜狝宜獄。案狝。毛詩作岸。楊氏從韓詩。

又傳。韻鳩。一名鳴鳩。月令云。鳴鳩拂其羽。案一名鳴

鳩句蓋以別有鳴鳩之名。故引月令之文以證之。今本爾雅作一名鵲鵲。誤。楊氏所據。蓋猶宋時善本。又螺贏。土蟲也。似蠶而小腰。原本蟲訛蠶。據爾雅疏改。

弁彼鬻斯。傳左傳。晉侯謂伯瑕曰。何謂六物。對曰。歲時日月星辰也。服虔以爲歲星之神也。案歲星之神也。上毛詩正義脫一歲字。可以此本正之。又溟溟衆也。原本衆訛深。據毛傳改。

巷伯傳。刷。紕。芥切。原本紕。訛。批。實。據韻補改。

有饑饉。飡。傳。熟觀是詩。譏王政墮廢。貴賤無章。而不禮於諸侯之使。使者之屬作是詩也。而衛宏作毛詩序曰。東國困於役而傷於財。譚大夫作是詩。蓋考之未精也。案小序困於役而傷於財。集傳亦主其說。楊氏之說雖本之正義。而於上下文義有未融貫處。

四月維夏。爰其適歸。案爰。朱子從家語作奚。楊氏從毛傳。又傳。鴻飛戾天。避害于淵。雖有鋒門。不能危身。案鋒門二字。今本焦氏易林亦同。而義不可解。考漢書藝文志有逢門射法。又王褒聖主得賢臣頌。逢門子彎鳥號。注引孫卿子曰。羿蠶門善射。據此。則鋒門當爲蠶門之訛。蓋宋時易林本已誤矣。又棟。赤棟也。原本棟。訛。棘。據爾雅改。

卷十四

北山傳。左傳昭十三年。我有圃生之杞。原本脫三字。據左傳改增。又今本圃字皆作圃。案圃杞爲韻。自當以圃字爲長。楊氏所引。蓋猶宋時善本。

楚羨傳。穢礪白石不生黍稷。無以供祭。靈祇乏祀。原本礪訛礪。祀訛祝。並據易林改。又陟中壇。卽帝位。原本中訛大。據魏都賦改。又賓既酌主人。主人又自飲酌賓。曰醴。原本上酌字訛醴。據鄭箋改。信彼南山傳。劉劭瑞龍賦。有蜿之龍。來遊郊甸。原本劭訛昭。今改。又伊茲都之函宏。原本函訛幽。據吳

都賦改。

甫田傳。漢書敘傳。宣之四子。淮陽聰敏。舅氏遷條。幾陷大理。原本脫理字。據漢書增。

大田有弇淒淒。與雨祁祁。案弇淒。毛詩作淒淒。楊氏從韓詩。祈。朱傳作祁。楊氏從毛傳。

### 卷十五

采菽傳。周禮司服。諸公之服。自袞冕而下。原本脫諸字。據周禮補。又緹。緹也。按緹。注疏本作緹。楊氏蓋

從爾雅。又葵心向日。如天子心向諸侯。按毛詩曰。葵揆也。本爾雅釋詁。故正義云。揆者。以天子于諸

侯命。賜有多少。或以恩。或以功。當須揆度多少。而與之。此云葵心向日。於義未協。

黍苗傳。齊景惑疑。爲孺子牛。原本脫爲字。據易林補。

瓠葉傳。琴高沉水而不濡。原本濡訛滯。據魏都賦改。又曹植瑟瑟歌。願爲中林草。秋隨野火燔。灰滅豈

不痛。願與枝葉連。案瑟瑟歌。曹植詩。本作飛蓬篇。此所引未詳何本。又灰滅本作糜滅。枝葉本作根黃。

亦與此微異。

漸漸之石。毛傳曰。畢濁也。原本濁訛濁。據爾雅改。

卷十六

文王傳。天官小宰。凡祭祀贊禩將之事。原本祀訛禮。據周禮改。

明明在下。亮彼武王。案亮。毛詩作涼。楊氏從韓詩。又傳身補音尸羊切。荀卿成相篇。天乙湯。論舉當身。

讓卞隨舉牟光。道古賢聖。基必張。案荀子成相篇上二句三字爲句。下二句七字爲句。以湯當光。張爲韻。今補音以身叶王。讀上七字爲句。殊爲舛訛。又原本脫天字。據荀子增。

綿傳。董音謹。原本音訛草。據陸德明釋文改。又董荳粉榆。原本粉訛粉。據禮記改。又春官董氏。掌共

燠契。原本董訛華。據周禮改。又孔疏云。襄十七年傳。宋人稱臯門之哲。遂謂諸侯有臯門。而左傳乃

曰。澤門之哲。非臯門。杜注亦曰。澤門。非訛誤也。然則疏謂臯門之哲者。其必記之訛歟。案左傳。臯門作

澤門。古臯澤二字通。鶴鳴於九臯。毛傳曰。臯澤也。說文臯字音告。注云。古文以爲澤字。孔疏以澤門爲

臯門。益可證楊氏以疏爲誤者。非。

卷十七

行葦傳。孔疏云。用肉爲醢。特多汁。故以醢醢爲名。案醢醢爲名。今注疏本脫醢字。又通俗文云。案文

今注疏本作又誤。又金鏃剪羽。謂之鏃。原本鏃訛鏃。又江淮之間。謂之鏃。原本鏃訛鏃。并據爾雅

改。又故能內睦九族。外尊事黃耆。原本睦訛及。據詩小序改。

抑彼童而角。案角。今毛詩訛覺。

卷十八

天作高山。彼徂矣岐。案徂。朱傳作岨。楊氏從毛傳。

豐年傳。荀勗東西廂。登儻召叟。亦有兄弟。原本召訛台。據晉書樂志改。

予其懲傳。桑飛。即鷓鴣也。又名鷓鴣。原本鷓鴣訛鷓。據爾雅改。

卷十九

關傳。郭璞云。淺深斑駁隱類。今之連錢驄。案類。爾雅作羆。又作驄。此蓋從毛詩正義。又樊光曰。原本樊

訛表。又彤白雜毛駮。原本毛訛色。並據爾雅改。

闕宮傳。多補音。一讀章移切。廣雅。祇也。原本祇訛多。據廣雅改。又重弓。重于鬯中也。原本中訛弓。據毛

傳改。

毛詩講義 宋林岳撰

卷一

我思肥泉。注。歸異出同流。曰肥泉。原本脫流字。據爾雅增。

卷二

髮彼兩髦。注。皮弁笄爵弁笄。原本脫上笄字。據士冠禮增。又有笄者。屈組爲紘。無笄者。纓而結其條。原



本纓訛縷注疏本亦誤今據士冠禮注改。

子子千旄注羽者夏翟之羽也有虞氏以為綏原本綏訛縷據周禮改。

卷三

鷄既明矣注齊古少昊之世爽鳩氏之墟案此皆本箋疏考國風皆有譜林氏援引齊譜獨詳他皆略今

姑仍其舊。

俟我于著乎而注主人升西面賓升北面奠雁原本西面訛西階今改。

盧令令注東郭遂海內狡兔原本郭訛郊據國策改。

敵笥在梁注里革曰里禁鯤鱒原本里訛星又脫魚禁字據魯語增改。又幽州曰鴉鷗曰胡鱸原本鷗

訛鷗據陸機疏改。

猗嗟昌兮注諸侯四耦二侯樂以狸首孤卿大夫三耦一侯樂以采蘋士三耦豳侯樂以采芣原本皆脫

樂以二字今依孔疏補。

糾糾葛屨注夏葛屨猶明絺綌當暑也原本脫夏葛屨三字據少儀補。

彼汾沮洳注公車主君之駟車庶子為之原本駟訛路據鄭箋改。

陟彼帖兮注多草木曰帖無曰屺案毛傳本作無曰帖有曰屺此從爾雅。

坎坎伐檀兮注大波為瀾小波為淪直波為徑瀾渙瀾淪蘊淪徑徑涎也原本涎訛涎據爾雅釋水改。

有秋之杜。注。赤棠子澀而酢無味。原本脫子澀無味四字。據爾雅補。  
采苓采苓。注。王肅諸本皆以爲僞。案孔疏以爲王肅諸本皆作爲言。唯定本作僞言。與此互異。傳寫訛也。  
小戎。倭收。注。革路樊纓以條絲飾之。原本脫樊纓二字。據孔疏增。

卷四

東門之池。注。紵亦麻科。生宿根在地中。至春自生。原本自訛曰。又歲再刈。刈便生。原本脫一刈字。並據疏增改。

彼侯人兮。注。蹕之制。下廣二尺。上一尺。長三尺。原本脫上一尺長三尺六字。今據孔疏增。

卷五

湛湛露斯。注。湛露在彼。豐草。言澤草也。在彼杞棘。又言澤木也。原本草木二字互訛。今據文義改。

六月棲棲。注。王曰出征者。以正王國之封畿。原本正訛臣。今改。又徽幟有文。原本徽訛徽。據孔疏改。

我車旣攻。注。鄭有圃田。原本圃訛甫。據左傳改。

吉日維戊。注。漆水沮水。驅禽而致天子之所。原本脫沮水二字。據疏增。

沔彼流水。注。駢彼飛隼。則有時乎率彼中林。是其常也。原本脫是其常也句。據疏增。

祈父。注。宣王之時。王師嘗與姜戎戰于千畝。原本姜訛羌。據春秋改。

冢伯維宰。案維。今朱傳作冢。此從毛傳。

卷六

彼何人斯注有視面目原本視訛媿案媿爾雅訓視非即視字今改

有饜簋飧注匕所以載鼎實赤心之木爲之案毛傳言棘赤心解用棘之意未必取赤心爲喻用赤心之

木也林說未確

爰其適歸案箋爰曰也今朱傳本家語作奚其適歸

鼓鐘將將注東爲陽中萬物以生是東方爲笙磬原本脫萬物以生句今據周禮增

楚楚者茨注宰夫羞房中之羞于尸侑主人主婦皆右之原本脫主人主婦皆右之句又司士羞庶羞

于尸侑主人主婦皆左之原本皆左之訛作左右之並據疏增改

信彼南山注鬱合鬯臭陰達于淵泉原本脫合鬯臭陰四字據禮記增

與雨祁祁案漢書及朱傳俱作祈祈毛傳作祁祁誤也今依朱傳

采菽采菽注有虞氏服黻注舜始作之以尊祭服原本脫始作二字據明堂位注增

卷七

綿綿瓜瓞注司徒掌徒役之事召之使立家室之位處原本立訛正據鄭箋改

瞻彼旱麓注毛謂黃金所以流鬯表裏之義也案毛傳本多一飾字陸德明云是後人所加正義云定本

及集注皆有俗本無此本所引亦無飾字今仍原文

皇矣上帝注。周書稱文王在程。爲程寤程典。案程典程寤。見汲冢書。程典篇存。程寤已缺。非尙書篇目也。敦彼行葦注。天子敦弓鏃矢。案鏃注疏本作鏃。誤。

卷八

韓侯顧之注。毛云。曲顧道義也。原本曲訛猶。據毛傳改。

卷九

猗與漆沮注。積柴養魚曰慘。原本慘訛樁。據正義改。

卷十

駟駟牡馬注。邑外曰郊。郊外曰牧。牧外曰野。野外曰林。林外曰坳。案毛傳作郊外曰野。野外曰林。無牧字。句。孔疏謂嫌與牧馬相涉。故略之。此則本爾雅釋全地文。故與傳異。又黃而微駢曰黃。毛傳作黃駢。

曰黃。案此爾雅無文。又赤而微黃曰駢。青而微黑曰駢。毛傳作赤黃曰駢。蒼祺曰駢。此則引孔疏句。

又案此二種。爾雅無文。

貝冑朱綬注。以貝飾冑。其甲以朱綬繩綴之。原本綬訛緣。今改。

猗與那與注。其曰湯孫者。成湯也。其曰烈祖者。謂湯之祖契。冥。相土之屬也。案此本毛傳與鄭箋異。

來假祈祈。案祈朱傳作祁。此從毛傳。

卷十一

關雎序。關雎后妃之德也。注詩之大序。當自詩者志之所之也始。案詩序原本一篇。初無大小序之別。自宋人始強分之。不免割裂。此本雖于注中有大序。當自此始云云。而實未嘗分也。故仍依注疏本文。渭陽序。文公遭麗姬之難。案麗。春秋三傳皆作驪。唯詩序作麗。陸氏釋文。驪麗音義同。

卷十二

常棣序。注。外禦其侮。案侮。毛詩本作務。左傳作侮。此引左傳文。故仍作侮。

四庫全書考證卷七

經部

詩緝

詩地理考

詩傳名物抄

詩傳旁通

詩續緒

詩傳大全

重訂詩經疑問

欽定詩經傳說彙纂

御纂詩義折中

詩經通義

毛詩稽古編

詩傳名物集覽

三家詩拾遺

詩疑辨證

詩序補義

待軒詩記

虞東學詩

韓詩外傳



詩緝 宋嚴粲撰

卷一

關雎之化論注。小序是東海衛敬仲所作。刊本仲訛重。今改。  
關關雎鳩注。卽鄭子所謂雎鳩氏司馬也。刊本氏字訛在司馬下。又脫也字。並據左傳改增。  
翹翹錯薪注。說文曰。馬二歲曰駒。刊本說訛釋。案經典釋文。無此句。今改。

卷二

蔽芾甘棠注。杜赤棠白者棠。刊本者訛甘。據爾雅改。  
羔羊之皮章。謂紘總之數有五。刊本紘總二字互倒。據詩疏改。  
江有汜章注。是士有姪娣。刊本姪娣訛娣媵。據詩疏改。

卷三

燕燕于飛章注。生子名完。刊本完訛桓。據詩箋及左傳改。  
有溷濟盈章注。注云范軾前也。刊本注訛祭。據禮記少儀注改。

卷四

施丘章注。周之制。使伯佐牧。刊本周訛州。據詩箋改。

簡兮三章章六句案朱傳作簡兮四章三章章三句一章六句

卷五

定之方中章注疑在今東郡界刊本郡訛都據詩疏改

載馳五章案朱傳作載馳四章

卷六

手如柔荑章注蟻蟻蝥蝥刊本蝥訛蠹據爾雅及詩傳改

卷七

大車檻檻章注皆絺以爲繡刊本皆絺訛次飾據周禮注改

卷八

叔于田章注棚所以覆矢刊本矢訛冰據詩傳改

清人在彭章注夷矛三尋刊本三訛重據考工記改

卷九

俟我於堂乎而章注壻乃先歸刊本歸訛往據儀禮改

卷十

碩鼠章注關西呼鼯鼠刊本關西訛關中據詩疏改

卷十一

唐注其孫穆侯刊本侯訛叔據詩譜改。

山有栲章注方俗無名此爲栲者刊本俗訛士據詩疏改。

羔裘豹祛章注祛者袂口也刊本袂訛祛據禮記注及詩疏改。

卷十二

小戎賤收章注此兵車之飾刊本飾訛節據詩疏改。

兼葭蒼蒼章秦雖彊盛勁健必用周禮刊本用周二字互倒據小序改。

卷十三

坎其擊鼓章注羽鷺可以爲翳刊本翳訛鷺據詩傳改。

卷十六

豳注昔我先世后稷刊本世上衍王字據詩疏及國語刪。

卷十七

魚麗于鬻章注鱧名鮠刊本鱧訛鯉據爾雅疏改。

卷十八

南山有臺章樂得賢也刊本脫此句據小序增。

田車既好章注以織毛褐布刊本脫毛字據詩疏增

卷十九

鴻鴈于飛章注謂接五堵成一雉刊本接訛按據詩疏改

卷二十

弗躬弗親章注壻之父謂姻刊本父訛婦據爾雅改

匪勉從事章職競由人注職主也刊本職訛競據詩傳改

卷二十二

職勞不來注來勤也刊本勤訛動據詩傳改

鼓鐘將將章注淮水出信陽軍桐柏山至楚州漣水軍入海刊本至訛之據集傳改

卷二十三

既方既臯章注食葉曰臯刊本臯訛特據詩傳改

瞻彼洛矣章注大夫鐔琫而鏗秘刊本鏗訛璆據詩傳改

卷二十四

英英白雲章注露雲氣微刊本脫雲字又微下衍言字並據詩疏增刪

卷二十五

酒慰迺止章注。幽又在岐山西北四百里。刊本脫北字。據詩疏增。

迺立冢土注。以達天地之氣也。刊本脫以達天地四字。據詩疏及禮記增。

榛楛濟濟注。其葉如蒼。刊本訛作莖似蒼。據詩箋及草木疏改。

卷二十六

則百斯男注。郃、雍、曹、滕、畢、原、豐、郇、文之昭也。刊本脫郃雍曹滕四字。據左傳增。

卷二十七

敦弓既堅注。諸侯彤弓。刊本彤訛彫。據詩疏及公羊傳注改。

既醉以酒章注。晉獻公令司正實爵與史蘇云。刊本脫獻字。據國語增。

卷二十八

于橐于囊注。奉一囊粟。刊本奉訛秦。據漢書改。

卷三十

仲山甫出祖注。將行犯軼之祭也。刊本犯訛祀。據詩箋改。

卷三十二

執競章注。無競。競也。刊本脫也字。據詩傳增。

卷三十四

以薺茶蓼注。茶委葉。刊本委訛婁。據詩疏及爾雅改。

卷三十五

有騅有駉。注蒼白雜毛騅。刊本毛訛色。據爾雅改。

夏而樞衡。注設牛角以樞之也。刊本以訛其。據詩傳改。

卷三十六

商頌。注校商之名頌十二篇於周太師。刊本名頌十二訛作詩則得。據詩譜改。

詩地理考 宋王應麟撰

卷一

襍考。在曹州冤句縣北七十里。刊本曹訛譜。據寰宇記改。

洙考。注武乙徙河北。刊本乙訛丁。據史記改。

卷二

鄭考。前莘後河。刊本莘訛華。據國語改。

河之干考。注水北出于薄山。刊本山訛上。又永樂溪水。刊本溪訛漢。並據水經注改。

卷三

四海考。跂踵。刊本跂訛跛。據爾雅注疏改。

甫草考。渠水自河與濟亂流。東逕榮澤。刊本濟訛沛。又脫逕字。並據水經注改增。又春秋不以沙麓繫。

晉刊本脫繫字。今增。

卷四

百蠻追貊考。注。三韓之屬皆貉也。刊本韓訛歸。據後漢書改。

卷五

周頌考。頌之言容。刊本容上行形字。據注疏刪。

常許考。注。皇覽曰。有孟嘗君冢。刊本脫皇覽孟嘗君冢六字。據史記注增。

殷土考。殷是亳地之小別名。刊本脫名字。據注疏增。

章顧考。親鄭如夏。刊本親訛隣。案高誘注。鄭讀如衣。即殷國名。謂夏民親殷如夏也。今據改。

卷六

周東都王城考。故三代皆為都邑。刊本都訛郡。今改。

北至于無棣考。以南臨無棣溝。因為名。刊本脫溝字。據郡縣志增。

檜考。董姓。饒夷象龍。刊本饒訛驪。據國語改。

魯頌考。鄆州鉅野縣。刊本脫野字。據郡縣志增。



命魯郊祭天三望考。魯惠公使宰讓請郊祀之禮於天子。刊本宰訛辛。據呂氏春秋改。

詩集傳名物抄 元許謙撰

卷一

蠡斯篇。蝻。蝻。蝻。刊本蝻訛蝻。據爾雅改。

卷二

河廣篇。若終立則不可以往。刊本不訛下。今改。

卷三

鄭風。依疇。歷莘。君之士也。案莘。鄭康成詩譜作華。

卷六

大東篇。至天津下而合南道。刊本脫南道二字。據晉書天文志增。

卷七

靈臺篇。月令則其事也。案事。詩疏作序。

詩傳旁通 元梁益撰

卷二

簡兮章使人相祭。原本脫祭字。據儀禮增。

卷三

芄蘭章。大射正執弓。皆以從于物。小射正坐奠筭于物南。原本弓訛方。下物字訛陽。並據儀禮改。  
載驅章。曾公齊州二堂記。原本脫州字。據元豐類稿增。

卷五

七月流火章。尊兩壺于房間。原本尊兩二字互倒。又壺下脫于字。並據儀禮改增。

卷六

常棣章。白棣似李而小。原本脫似李二字。據爾雅增。

卷七

車攻章。田者大芟草以為防。原本芟訛艾。據毛詩注疏改。

詩續緒 元劉玉汝撰

卷一

關雎篇注。吳氏補韻以正音為叶韻。則是以後來之俗音為古人之正音。豈其然哉。今叶音之叶字。竊謂

當以古字易之。庶幾人知音韻之正。案吳械補音引據該洽。但屈古就今。有不免乎訾議。劉氏此論頗稱允當。

萬覃篇注。首章中谷無韻。合下章中谷以重韻爲韻。此古人用韻之體。後人以重韻爲嫌。非古矣。案劉氏於詩中用韻之處著論。特爲詳細。

卷三

燕燕于飛篇注。今從傳移置此篇於終風後。案劉氏以爲當依朱傳移置終風後。今考集傳雖著此說。而實未嘗移置也。故此亦仍舊本。

卷五

黍離篇注。元城之說。亦詩人之一意。然詩之興有隨所見相因而及。不必同時所真見。如此詩因苗以及穗。因穗以及實。由淺而深。又或因見實而追言苗穗。皆不必同時所真見。如桃夭因花以托興。其時未有葉與實。特因花以及之。案劉氏元城說。見集傳章句下。其論初遇次遇。似太泥。故玉汝論之。叔于田乘乘馬篇。舊本作大叔于田。此從集傳本去大字。

卷六

東方未明篇。不能辰夜。案辰。俗本作晨。此從舊本作辰。

卷七

葛生篇注四五二章言歸無期而不可得見。則要死以相從。蓋惟出亡則歸無期。若據詩詞。則未見其必然。亦姑從序說歟。案鄭箋及集傳皆以爲征役。劉氏以詩中有亡此字。遂以爲出亡。說本無據。乃云姑從序說。何也。

卷八

七月篇蠶月條桑注。蠶月或以爲三月。今以前采繫推之。則條桑當注二月。案蠶月舊說以爲三月。王安石以爲可蠶不止一月。故不言某月。劉氏以爲二月。是七月之詩獨無三月矣。

卷九

菁莪篇注。毛傳以六月爲變雅之首。集傳謂楚茨而下十篇。疑正雅錯脫在變雅。又謂魚藻采菽與楚茨等相類。今若從傳移置此十二篇於菁莪之後。不惟可復正雅之全。而一代之盛治爲可考。豈不肆歟。案朱子此說雖見於楚茨序下。而實未嘗移置也。故此亦仍舊本。

卷十一

四月維夏篇。奚其適歸。案奚舊本作爰。集傳依家語作奚。劉氏皆本集傳。故仍作奚。

卷十四

皇矣篇以篤於周祐。案舊本有於字。俗本因孟子引句無於字。故亦節去。今從舊本。文王有聲篇。遙求厥寧。遙觀厥成。注。愚謂求觀當屬詩人。案求觀輔氏屬文王說。劉氏以爲當屬詩人。二

說互異。

卷十五

上帝板板篇注。五章傳。謂戒小人。愚謂前後皆戒同列。不應此忽戒小人。案小人在同列。意亦相通。未見傳意之必有分屬也。

价人維藩注。价大也。愚謂价兼介助意。蓋言大德之輔臣也。价人大師以上下言。大邦大宗以內外言。宗子賅价師邦宗。舉親以見疏也。案此說輔氏已言之。劉氏之說往往本之輔氏爲多。

卷十六

奕奕梁山篇。有倬其道注。道。舊說謂韓侯由此道而來朝。傳不釋。案道字。朱子仍從舊說。別見遺說中。集傳特不明釋耳。非不釋也。

卷十七

清廟篇注。登歌樂章也。上歌。謂堂上歌也。案登歌。上歌。漢制也。劉瑾以爲堂上獨奏登歌之曲也。謂之登歌者。以堂上特歌而名之也。義始明晰。

維清篇注。左傳見舞象箎者。杜預謂是文王之舞。象既爲文王舞。則武舞自當用武詩。維清自當爲文王象舞之詩矣。先儒因是遂謂象有二。有文王之象。文舞也。有武王之象。武舞也。象名一而實二也。案序維清奏象舞。朱子謂詩中無象舞之意。故泛指爲祭文王之詩。蓋以孔疏於詩禮注已自不同而疑之。

也。劉氏之說亦可佐先儒所未備。

烈文篇注。詩不叶韻。句長短不齊者。周頌之體。其間有韻叶句齊者。與商頌相類。其盛二代歟。案劉瑾通釋以此第一句與六七叶。第三與五八十三叶。亦隔互叶韻也。是編專論用韻之法。此獨言詩不叶韻。說似互異。

天作高山篇注。序言祀文王。又言祀先王先公。案天作序只言祀先王先公。無專祀文王之文。劉氏之說似誤。

時邁篇注。傳以執競爲昭王以後所作。則周公制作時。未有執競詩。安得以爲韶夏乎。然則叔玉之說。非朱子所取矣。案朱子初注執競詩亦從毛傳。後定集傳始從歐陽修說以爲昭王以後之詩。而於呂叔玉章昭之說三夏仍采其說而不辨其非。總之其傳已古。無以證其必不然也。

綏萬邦篇注。傳謂春秋傳以此爲大武之六章。今之篇次已失其舊。傳從春秋傳。今亦從集傳移置於賚後閔于小子前。案朱傳雖著其說。實未移也。今亦仍其舊。

文王既勤止篇注。此頌文武之功。而詩中不言武王。蓋上推文王。下言我。則武王固在其中矣。案朱公遷以爲當作頌文王之功。諸本王字皆作武字。誤。蓋首句是頌文王之功。其下五句則言今日大封功臣之意。劉氏所據尙沿舊本。故不免曲爲之說。

### 卷十八

闕宮篇注。竊以為泮水一詩。魯人頌孝公之詩歟。案劉氏此說。蓋據史記魯世家。事若有與泮水詩合者。亦可備一說。

詩傳大全 明胡廣等撰

卷二

威儀棣棣注。故形于外者皆善而不可揀也。刊本揀訛陳。今改。

土國城漕注。非不勞苦而猶處於境內。刊本猶訛獨。今改。

公言錫爵集注。即儀禮燕飲而獻工之禮也。刊本工訛公。據儀禮改。

卷三

河廣章。自共姜至於襄公母之六人焉。刊本襄訛宣。今改。

卷四

王風。為時會諸侯之所。刊本時刊朝。據集傳改。

鄭風。又得號檜之地。注。武公取號檜。刊本公訛王。今改。

卷五

東方未晞注。言露在朝且未見日氣。刊本未見訛木言。據正義改。

甫田三章注。豐城朱氏曰。刊本豐訛曹。今改。

卷六

山有栲。注。二月中開花如練。刊本如練訛作棟。據陸璣疏改。

卷八

我徂東山章。枚如箸銜之有纒。注。又音畫。徹也。刊本徹訛徹。今改。

重訂詩經疑問 明姚舜牧撰

卷一

羔羊章。羔羊。鶴巢之功致也。刊本羊訛裘。據詩序改。

卷二

有兔爰爰章。桓王失信。諸侯背叛。刊本背訛皆。據詩序改。

卷五

斯干章。歌于斯。哭于斯。刊本歌訛生。據檀弓改。

繁霜章。李義山詩云。可憐夜半虛前席。不問蒼生問鬼神。刊本山訛府。據全唐詩改。

卷七



間關章。凡有德之動履。可徵於車馬之間。刊本徵訛懲。今改。

卷十一

時邁章。昭我周王。天休震動。刊本周訛國。又歸馬放牛。刊本放訛牧。並據尙書改。

欽定詩經傳說彙纂

卷首上

七月流火圖。五月昏中。十一月旦中。考服虔朱子俱云。六月昏中。十二月旦中。圖說內孔穎達之說亦同。

此圖未知所本。姑仍其舊。

豳公七月風化圖。注詩中載一歲事。獨缺三月。刊本三訛二。今改。

十圖拾注。著於左臂。以遂弦者也。刊本臂訛指。據朱子集傳改。

卷一

行露章集說。以行人之多露。喻貞女之畏禮。刊本以訛似。據孔疏改。

卷七

小戎章集說。陰鞞也。案朱傳。陰以木板爲之。鞞以皮爲之。徐氏以陰鞞爲一物。誤。

卷八

東門之粉章。南方之原。集說。歐陽以爲南方原野。則其說爲簡徑。刊本徑訛勁。今改。

卷十二

正月章。天天是椽。案毛傳以天爲君。鄭箋以爲天之薦瘞。訓雖稍異。而上字作天。下字作天。則同。朱傳亦從之。惟後漢書蔡邕傳釋誨有速速方穀。天天是加之文。李賢注引詩小雅云。天天是椽。又云。韓詩亦同。王應麟詩考據爲韓詩經文異同之一證。考孔穎達正義謂齊韓之徒以詩經爲章句。與毛傳異。非有壁中舊本可據。而劉敞後漢書刊誤於蔡邕傳。天天下注云。案上天當作天。據今詩文正。此唐宋諸儒於詩義皆不從韓說。今自當仍以毛詩爲正。

御纂詩義折中

卷五

叔于田。注。國人愛之。故作此詩。刊本此訛比。今改。  
左旋右抽。注。左後軍。右前軍也。刊本左訛在。今改。  
洵直且侯。注。亦如裘之直且侯也。刊本侯訛俟。今改。  
子衿章。序。刺學校廢也。刊本衿訛於。今改。

卷八

防有鵲巢注。若生于下隰。刊本隰訛濕。今改。

卷十二

謂山蓋卑注。言不西歸而即安于東者。刊本言訛亦。今改。

卷十三

山有蕨薇注。棧赤棟。刊本棟訛棘。據爾雅及經典釋文改。

卷十四

瞻彼洛矣注。鞞刀下飾云云。案小雅毛傳及釋文。漢書王莽傳注。說文。以瑋爲上飾。琕爲下飾。大雅毛傳。以瑋爲上飾。鞞爲下飾。左傳注及藝文類聚。太平御覽。以鞞爲上飾。瑋爲下飾。皆與此互異。

卷十五

頰弁序年既耆艾。刊本年訛午。今改。

卷十六

思齊注。此歌詠文王之德而推本於父母也。刊本父訛文。今改。  
作之屏之注。言岐周之地。刊本岐訛次。今改。

卷十七

民勞序。必至繡卷而無良。刊本繡訛隨。今改。

卷十九

噫嘻序。三卜郊不從。刊本三訛四。據春秋改。又今既耕而卜郊。刊本脫郊字。據左傳增。於皇武王序。姚舜牧曰。刊本舜訛舞。今改。

卷二十

泰山巖巖。注。十月敗莒師于鄆。刊本鄆訛鄆。據春秋改。

闕宮九章。章十七句。案第四章止十六句。朱子集傳云四章內脫一句。故并言十七句。附識于此。

玄鳥序。夏帝芒三十三年。刊本芒訛范。據竹書紀年改。又其子微與師滅有易。刊本微訛微。據史記殷

本紀及竹書紀年改。

詩經通義 吳江朱鶴齡撰

卷一

采芣苢。傳。馬鳥。刊本鳥訛寫。據爾雅改。

卷三

猗嗟章義。其得立也。蓋齊襄爲之援也。刊本立訛力。今改。

卷四

河水清且淪漪。注。小波爲淪。刊本淪訛輪。據爾雅改。

卷五

鷓鴣章。注。育同。刊本育訛音。今改。

卷七

不愆遺一老。注。魚斬反。刊本斬訛斬。今改。

卷八

思我小怨。注。當作于隈切。音威。與崑萎叶。刊本萎訛姜。今改。

卷十

雲漢章。序。仍叔美宣王也。注。仍。氏。叔。字。周大夫。刊本氏字二字互訛。周訛用。今並改。  
鉤膺濯濯。注。巾車。刊本巾訛申。據周禮改。

毛詩稽古編 國朝陳啓源撰

卷一

兔置條。何謂害義。原本害訛合。今改。

卷七

黻衣繡裳條。又案亞古弗字。原本亞訛詎。據漢書注改。

卷十一

車攻條。五章又云。既會同而田獵。原本脫會同二字。據朱子集傳增。

卷二十二

王命傅御條。豈家臣可勝其任哉。原本脫臣字。今增。

卷二十三

不吳不敖條。吳。姓也。郡也。原本姓下脫也字。據說文增。

卷二十七

紫陽協詩條。旭。旭。橋也。原本橋訛憶。據爾雅改。

詩傳名物集覽 庶吉士陳大章撰

卷一

鳥部。雝。鳴鴈條。曹伯陽好田弋。刊本陽訛賜。據左傳改。

卷四

獸部。躍。兔條。東郭婉者。海內之狡兔也。刊本婉訛逡。據國策改。

毋教孫升木條。猿獼狙以爲雌。刊本雌訛雄。據莊子改。

卷六

鱗介部。魴魚賴尾條。東方有比目魚。刊本東方二字互倒。據爾雅改。  
象弭魚服條。可爲弓韃矢服也。刊本韃訛韃。今改。

卷十二

木部。顏如舜華條。成公綏云。刊本綏訛綏。今改。  
隰有榆條。稽康曰。榆令人瞑。刊本脫曰字。今增。

三家詩拾遺 柳州府知府范家相撰

卷二

古逸詩程首篇。則燕則譽。原本燕訛譽。據大戴記改。

卷三

國風兔置章。施于中逵。八達謂之崇期。原本崇訛旁。據爾雅改。

卷四

載馳章。生文公齊子。宋桓夫人。許穆夫人。原本齊訛壽。據左傳改。

卷五

子衿章。子寧不嗣音。言不曾寄問也。原本寄訛審。據毛詩疏改。

卷十

商頌玄鳥章。注。史記三代世表。褚先生述詩傳。原本世訛年。今改。

詩疑辨證 上海黃中松撰

卷一

葛覃篇。鄭箋首章之失注。搏黍飛集。與女有嫁於君子之道。原本搏訛搏。案釋文。搏。徒端反。今改。  
黃鳥條。爾雅又有倉庚商庚。鷺黃楚雀。倉庚鷺黃之文。原本鷺訛鷺。據爾雅改。  
采蘋篇二。其次為慈母。其次為保母。原本母並訛女。據禮記改。

卷二

王風黍稷條。以稷名壇。注。說文云。稷。齋也。原本齋訛齋。據說文改。  
風雨篇。世人無常。而徐公有常。原本公訛人。據魏志改。

卷三

夏屋條。首稽長闌干。原本闌訛蘭。據唐詩紀事改。



豳詩分風雅頌一。周書世俘篇有明明崇禹生開三詩名。原本脫俘字。生開二字互倒。據周書世俘篇改。

卷四

旒旌旗條。朱子既以旒爲前朱雀。原本旒訛旗。據詩傳改。

卷五

維師尙父條。以漁釣奸周。原本漁訛魚。奸訛干。據史記改。

于橐于囊條。孫奕示兒編。原本奕訛炎。據示兒編改。

詩序補義 石泉知縣姜炳章撰

卷一

故詩有六義焉條。詩之六體。隨篇求之。有兼備者。有偏得一二者。原本一二訛其所。據十一經問對改。

卷三

施丘條。鳥少美長醜爲鷓鴣。原本美訛好。鷓訛鷓。據爾雅改。

卷五

淇澳條。王鴛今呼爲鷓脚莎。原本鷓訛白。據爾雅改。又篇著郭注云。此作竹。字同音異。原本同異二字

互訛。案篇竹與竹箭之竹。其字同也。而篇竹之竹音畜。其音異也。今改。

卷十六

斯千條。君子將營宮室。宗廟為先。原本宗訛寢。據禮記改。

卷十八

楚茨條。腥肆爛臠祭。原本爛訛爛。據禮記改。

卷十九

鴛鴦條。追述親迎盛禮。以見嫡非妾所得加。原本嫡非二字互倒。今改。

待軒詩記 明張次仲撰

卷一

誰誰鳴鴈注。六禮惟納徵用幣。原本納訛初。據儀禮改。

卷二

副笄六珈注。毛傳謂編髮為之。原本傳訛詩。案此係毛氏傳文。今改。

有女同車。序刺忽也。注亦待大國之助乎。原本助訛功。據胡安國春秋傳改。

卷四

田車既好注。田者大芟草以為防。原本脫大字。據毛傳增。又擊則不得入。原本擊訛擊。據穀梁傳及毛

傳改。

卷八

思文序。后稷配天也。注。自外至者。無主不止也。原本止訛至。據公羊傳改。

虞東學詩 宗人府主事顧鎮撰

卷二

綠兮衣兮章。鄭箋改綠爲綠。不可從。刊本綠訛祿。據注疏改。

卷三

揚之水章。申在南陽宛北謝山之下。刊本謝訛序。據潛丘劄記改。

卷五

兼葭蒼蒼章。荻之初生曰莢。一曰薹。一曰雛。刊本雛訛雛。據爾雅注改。

卷六

呦呦鹿鳴章。小臣左何瑟。刊本何訛向。據儀禮改。

卷七

正月繁霜章。襄氏入宮見寵。而伯陽甫歎之。刊本缺伯字。據史記補。

卷十一

有來雝雝章陸農師以春夏爲審諦之時刊本師訛司今改

韓詩外傳 漢韓嬰撰

卷二

魯監門之女嬰段由是觀之禍與福相反也反疑當作及

卷三

武王伐紂段使各度其宅而佃其田無獲新舊獲疑當作或

傳曰子路盛服以見孔子段今汝衣服其盛顏色充滿其疑當作甚

卷四

夫當世之愚段隩要之間在席之上要疑當作突

卷五

君者民之源也段欲附下一民則莫若及之政及疑當作反

孔子學鼓琴於師襄子段默然而思戚然而悵他本思作異戚作幾悵作長疑並訛當作黝然黑頥然而長

卷十

扁鵲過虢侯段爲先軒之寢八拭之陽陽疑當作湯。


天子有爭臣七人段言文王咨嗟痛殷商無輔弼諫諍之臣文刊本說大今改。  
楚莊王將興師伐晉段君今知貪彼之士而樂其士卒此下當有缺文。

四庫全書考證卷八

經部

周禮注疏

周官新義



周禮注疏 漢鄭氏注唐賈公彥疏

正義序

黃帝受命有雲瑞。故以雲紀事。刊本雲瑞訛瑞雲。據明監本改。

鄭氏注下疏

注者於經之下自注己意。使經義可申。刊本義訛意。據明監本、毛本改。

卷一天官

辨方正位注下疏。即得景為規識之。刊本即訛既。據明監本、毛本改。

乃立天官冢宰注。宰主也。刊本宰訛掌。據經典釋文改。

胥十有二人注下疏。引易歸妹六三以須。刊本三訛二。據周易改。

宮正疏。自內宰至屨人。刊本屨訛履。據經改。

掌次注。次自修正之處。案明監本、毛本、正俱作止。

闈人注下疏。晨時啟門。則論語謂之晨人也。案何晏論語集解及後漢書注引論語鄭注本。晨人皆作晨門。

內司服疏。以其掌后以下六服。刊本六訛大。據後內司服職文改。



卷二

以八統詔王馭萬民疏。六曰尊貴者。刊本貴訛賢。據經改。

飭化八材注。象曰磋。案經典釋文。磋作磋。

九穀注。九穀無秣大麥而有稷。音義。音孤。刊本孤訛瓜。據經典釋文改。

以九式均節財用疏。二曰賓客之式者。謂若上公饗餼九牢。殮五牢。五積之類。刊本脫殮五牢三字。據明

監本。毛本及秋官掌客職增。

以九貢致邦國之用注下疏。材貢。櫛榦栝柏篠簜也。刊本榦訛餘。據注改。

八曰旂貢注下疏。旂讀如囿游之游。刊本如訛爲。據注改。

設其參音義。參。七南反。干云。三公也。刊本公訛分。據經典釋文改。

陳其殷注下疏。次國之士爲後行。上士當大國之中士。中士當大國之下士。刊本脫爲後行至之下士十

九字。據明監本。毛本增。

凡治以典待邦國之治疏。官成在八法治官府中。今特出之者。刊本出訛見。據上文及毛本改。

祀五帝注下疏。未祭前引之者。欲見祭前誓戒。刊本誓訛示。據注及毛本改。

卷三

以官府之八成經邦治注下疏。吳人令服兵擐甲。刊本令下衍曰字。服訛伏。脫擐字。據國語刪改增。

七事者令百官府共其財用注下疏引卿大夫國中貴者賢者服公事者老者疾者刊本脫賢者二字又服公事者四字訛在疾者下據上注增改。

宰夫之職掌治朝之法疏南面東上大僕大右刊本脫下四字據司士職增。

歲終則令羣吏正歲會注下疏少牢云旬有一日刊本少牢訛小宰據明監本毛本及儀禮改。

#### 卷四

羞用百有二十品刊本脫有字據疏及毛本增。

膳用六牲注下疏瀆取牛羊肉案內則無羊字此訛衍。

以樂侑食注禮飲食必祭示有所先案經典釋文作示有先也。

庖人六禽注下疏下文禽獻之內刊本獻訛獸據後經改。

賓客之禽獻疏云賓客之禽獻者刊本獻訛獸據本文改。

凡用禽獻注下疏金爲言犬亦言屬金以上下文義推之屬字上當有故字疑傳寫脫。

膳禽注下疏上膳夫職所掌者是其正此禽獻者是其加刊本獻訛獸據上節經文及本節注改。

凡掌共羞脩刑膾胖注刑劓羹也音義劓音刑刊本此句訛在下腠直輒反又之涉反下今據注文先後

及經典釋文改。

祭祀共廬羸蜺注蟲舍蜺蜺音義蜺字林允絹反刊本絹訛緝據明監本毛本及經典釋文改。

凡祭祀共豆脯音義豆音羞案經典釋文此下有出注二字疑此脫  
臙胖音義胖杜音版刊本版訛版據經典釋文改

卷五

調以滑甘疏通利往來刊本利訛和據毛本及後瘍醫注改  
以五氣養之注下疏用此五穀養之刊本養訛食據經文及明監本毛本改  
然後藥之養之注下疏故云亦先攻而後養之也刊本複衍故字今刪  
春始治鑑注下疏月令仲春云獻羔而開冰刊本春訛夏據禮記月令改  
朝事之籩注飽者於樞室中糗幹之音義樞皮逼反本又作偁刊本偁訛樞據經典釋文改  
朝事之籩其實籩養注養泉實也疏注謂若圓曰簞刊本簞訛簞據毛本及明聞人詮校本改  
饋食之籩乾蓀音義蓀音老刊本蓀訛蓀據經及經典釋文改  
加籩之實蓀芡音義芡音儉刊本儉訛險據經典釋文改

卷六

醢人掌四豆之實注雜以梁麴及鹽刊本梁訛梁據明監本毛本改  
昌本麴麴刊本麴訛糜據經及明監本改  
文織音義織音志一音如字劉音至刊本作一音至又如字據經典釋文改

以九貢之灋致邦國之財用疏。謂口率出泉。刊本泉訛錢。據明監本改。

### 卷七

三歲則大計羣吏之治以知民之財器械之數。據疏引此句。財下有有用字。疑此傳寫脫。  
大祭祀喪紀之事疏。喪紀設門燎。蹕宮門廟門者。刊本紀訛祀。據經改。  
寺人掌王之內人及女宮之戒令注下疏。謂男女沒入在宮爲嬪者也。案男字訛。疑當作婢。  
執褻器以從遺軍注。褻器振飾類沐之器。刊本飾訛節。據疏及毛本改。  
九嬪掌婦學之法注下疏。婉之言媚也。刊本婉訛婉。據內則注及明監本。毛本改。

### 卷八

洫陳女宮之具疏。案春官世婦宮卿云。刊本宮訛官。據世婦職疏改。  
女功之事齋注下疏。齋以齊次爲聲。從貝變易。則兩字俱得。刊本字訛字。今改。  
典泉注。草葛藟之屬。音義藟。苦迥反。刊本苦訛若。據經典釋文改。  
染人注。凡染當及盛暑熱潤。刊本凡訛石。據鍾氏職疏引此注改。

### 卷九地官

縣師注下疏。四百里曰縣。五百里曰都。刊本二里字並脫。據上下文義增。  
賈師疏。凡國之賣債。刊本債訛價。據賈師職及明監本改。

麋人注藏米曰廩案經典釋文藏作盛

卷十

辨其山林川澤丘陵墳衍原隰之名物注高平曰原音義原本又作遠刊本遠訛遠據經典釋文改

三曰聯兄弟音義一本作聚兄弟刊本聚訛娶據經典釋文及明監本毛本改

五比爲閭使之相受注下疏與此閭內自相容受不同刊本自訛有據明監本及毛本改

八曰斂材疏此八月斂材已上與大宰同刊本材訛財下九曰生材句亦訛據經及明監本毛本改

二曰六行孝友睦婣任恤音義婣音因刊本婣訛姻今改

祀五帝疏即大司徒奉牛牲刊本即訛既據明監本及毛本改

大賓客令野修道委積疏大司徒令遣人於野路之上修治道塗刊本遺訛積據注及明監本改

卷十一

凡經土地而井牧其田野注井有九夫二千三百四井爲二萬七百三十六夫刊本二萬訛一萬據疏改

族共喪器注喪器者夷盤素俎楛豆音義楛苦瞎反刊本楛訛楛據明監本及經典釋文改

老者疾者皆含注疾者謂若今癘不可事者刊本癘訛廢據毛本改

皆征之疏云皆征之者及口率出泉刊本泉訛錢今改

獻賢能之書于王注當詔王爵祿之刊本之下衍時字據宋本刪

卷十二

春秋祭禘亦如之注下疏。鄭知禘謂雩祭水旱之神者。刊本上禘字訛祭。據注改。凡事掌其比饋。撻罰之事。注其爵以兕角爲之。刊本脫以字。據疏及毛本增。

鼗鼓注下疏。大鼓謂之鼗。是訓鼗爲大。刊本鼗訛鼓。據明聞人詮校本改。

凡祭祀百物之神疏。上文神祀社祭鬼享文內。不及小神。刊本內訛局。據文義改。凡陽祀用騂牲注。騂牲赤色。刊本訛色赤。據疏及校宋本改。

與其盆簠音義。簠音老。刊本老訛窆。據經典釋文改。

展牲則告。怪注下疏。始付充人。刊本付訛附。據明監本改。

碩牲則贊注。君牽牲入將致之。刊本牽訛率。據疏改。

卷十三

稍縣注于三分所去六而存一音義。去起呂反。徐方二反。刊本方訛力。據明監本及經典釋文改。

唯其麥林之征二十而五。刊本麥作漆。據宋本及經典釋文改。

國宅注。周稅輕近而重遠。刊本周訛國。據疏及玉海引此注改。

麥林音義。劉本作麥。字之變也。刊本麥訛麥。據經典釋文改。

征稅注下疏。美薄之收不通相倍蓰而上中下也。刊本蓰訛從。據明聞人詮校本改。

三年大比則大均注。有年無年。大平計之。案大平卽大均之義。刊本大訛太。據經改。

卷十四

凡嫁子娶妻疏。凡嫁子娶妻含尊卑。刊本含訛舍。據明監本改。

純帛注下疏。此純帛及祭統蠶事以爲純服。案此引祭統王后蠶于北郊以供純服文。刊本及訛改。統訛義。今改。

以量度成賈而徵價注。物有定賈。刊本賈訛價。據經典釋文改。又音義。聶氏及沈云。成賈。定賈。奠賈。物賈。其賈。平賈。大賈。小賈。賈賤。恒賈。而賈。故賈。凡十二音。嫁。刊本定字奠字互訛。平賈脫賈字。據經典釋文改增。又奠賈而賈。此及經典釋文俱脫賈字。據後經注增。量度注下疏。其實一侖。合侖爲合。刊本侖俱訛籊。據漢書改。

卷十五

凡四方之賓客。敏關注。敏關。猶謁關人也。刊本敏作叩。據經注改。敏關注下疏。候不出疆。刊本候訛候。據國語改。

道路用旌節注下疏。其民出入皆授旌節。刊本授訛受。據明聞人詮校本改。

遂人掌邦之野注。此野謂甸稍縣都。原本謂作爲。據疏及明聞人詮校本改。

以土地之圖經田野。造縣鄙。形體之瀆注。經。形體。皆謂制分界也。刊本謂作爲。據疏及明聞人詮校本改。

大喪及窆。抱。屠。刊本。磨。訛。磨。注。音義。疏。俱訛。並考字書改。  
大喪注。行至壙。乃說。音義。說。始銳反。刊本。始訛。如。據經典釋文改。

卷十六

稍人。掌。令。丘。乘。之。政。令。音義。甸。并。爲。甸。刊本。并訛。并。據經典釋文改。

輕。輿。用。犬。刊本。輿。訛。輿。音義。疏。並訛。據經典釋文改。

赤。緹。用。羊。音義。緹。音低。李。它。奚。反。刊本。低。訛。抵。它。訛。宅。據經典釋文改。

鹹。滷。用。豕。注。豕。也。豕。音義。豕。它。官。反。刊本。它。訛。宅。據經典釋文改。

若。祭。山。林。則。爲。主。而。修。除。注。修。除。治。道。路。場。壇。疏。注。場。謂。壇。刊本。壇。訛。禪。據。明。監。本。改。

喪。紀。共。其。葦。蒲。之。事。注。下。疏。卽。芟。剪。不。納。者。是。也。刊本。芟。訛。芟。據。別。本。及。禮。記。改。

掌。屨。注。下。疏。成。公。二。年。宋。文。公。卒。始。厚。葬。刊本。二。年。訛。之。時。據。左。傳。及。明。聞。人。詮。校。本。改。

祭。祀。共。屨。器。之。屨。注。天。王。使。石。尙。來。歸。賑。刊本。賑。訛。屨。下。賑。之。器。賑。字。亦。訛。據。春。秋。及。大。宗。伯。注。改。

牧。百。獸。注。至。于。狐。狸。鳧。鶴。備。焉。音義。鶴。戶。各。反。刊本。戶。訛。尸。據經典釋文改。

卷十七 春官

惟。王。建。國。注。下。疏。春。秋。禘。于。太。廟。躋。僖。公。音義。躋。本。又。作。躋。刊本。躋。訛。躋。據經典釋文改。  
典。祀。疏。掌。其。政。令。刊本。政。訛。禁。據。後。典。祀。職。改。



外宗注下疏。釋曰。鄭知外女是王諸姑姊妹之女者。刊本上女字訛宗。據經注改。

大師眡瞭注下疏。虎視眡眡。刊本眡訛眡。據易經改。

大師小師。刊本小訛少。下同。據經改。

籥人。刊本籥訛籥。疏並訛。今改。

眡。音義。禋。子鳩反。刊本鳩訛鳩。據經典釋文改。

甸祝疏。掌四時之田。表貉之祝。據甸祝職文作表貉之祝號。此脫號字。

卷十八

日月星辰注下疏。天生大列極爲中宮大極星。案史記天官書大極作天極。

以血祭祭社稷注下疏。故湯遷柱而以周棄代之。刊本柱訛社。據明聞人詮校本改。

以狸沈祭山林川澤注下疏。宗祝亦執勺以先之。刊本勺訛爵。據玉人注改。

冬見曰遇注下疏。欲其若不期而偶至。刊本偶訛俱。據注改。

時見曰會注。王將有征討之事。刊本討訛伐。據注改。

以軍禮同邦國注下疏。朱干設錫之類。刊本錫訛錫。據禮記郊特性改。

朝覲會同注下疏。云相詔王禮也者。刊本云訛爲。據明監本改。

國有大故則旅上帝注下疏。祀帝于郊而風雨節。寒暑時。刊本風雨下脫節字。據禮記禮器增。

卷十九

毛六牲注下疏。先鄭云。司徒主牛已下。刊本主訛奉。據注改。

辨六尊之名物以待祭祀賓客注下疏。故鄭亦略而不言。各本故訛先。今改。

若國大貞疏。凡國大貞卜大封之等。刊本封訛遷。據注及大卜職文改。

凡祭祀賓客以時將瓚裸疏。凡祭祀贊王幣爵之事。刊本王訛玉。據小宰職文改。

瓚裸注下疏。是以祭統云。刊本統訛義。據禮記改。

大裁注下疏。女巫職云。凡邦之大裁。刊本邦訛郊。據女巫職文改。

以秬鬯澆音義。澆杜音泯。亡忍反。刊本忍訛恐。據經典釋文改。

甫鬻注。鬻聲如腐脔之脔。刊本下脔字作辟。據經典釋文改。

成葬注下疏。故經設喪祭在成葬之上也。刊本經設訛設經。據文義改。

及其祈珥音義。祈巨旣反。或巨依反。刊本及釋文巨訛且。監本訛區。依字音改。

築鬻注下疏。築鬱。白以椀。杵以梧。刊本椀訛掬。據禮記雜記改。

掌兆注。兆壇瑩域。案小宗伯注。瑩作營。

且授之杖注下疏。士爲天子服。刊本及監本。毛本俱脫士字。據注增。

獮之日。涖卜來歲之戒注下疏。秋教治兵之日。故於是戒不虞也。刊本也訛世。今改。

凡裸事用概注下疏。裸當爲程。刊本及釋文程俱訛埋。據宋本及大宗伯文改。

卷二十

司尊彝與其實注。實鬱及醴齊之屬。音義齊。才計反。刊本才訛丁。據經典釋文改。

朝享注下疏。朝享謂朝受政于廟者。刊本謂訛爲。據注及毛本改。

盥齊況酌注。況酌者。撝飾勺而酌也。刊本撝訛稅。飾訛拭。據經典釋文改。

撝字音義。撝舒銳反。刊本撝訛稅。舒字上衍飾字。據經典釋文刪改。

凡六彝六尊之酌疏。上不言疊者。亦是文不具也。刊本不言訛作言不。據文義改。

司几筵掌五几注。五几左右玉彫彤漆素。刊本漆訛膝。據後經文及毛本改。

穀圭以和難以聘女注。晉侯使段嘉平戎于王。案段左傳作瑕。刊本訛作段。考段字音徒玩反。與瑕異。據

經典釋文改。

大喪共飯玉疏。諸侯飯用梁。天子之士飯用梁。刊本二梁字俱訛梁。今改。

卷二十一

及其出封皆加一等注下疏。其義已備宗伯職也。刊本其訛則。據明閩人詮校本改。

視小國之君注下疏。擯將幣。裸酢饗食之數。案大行人擯下有者字。此脫。

王之吉服注下疏。謂刺繪爲繡次。刊本繪訛繪。今改。

吉服注下疏謂交龍爲旂。刊本交訛蛟。據司常職文改。

凡弔事弁經服注下疏。但五服之經。總經最小。刊本五訛無。今改。

錫衰總衰注下疏。喪服傳文。其疑衰無文。刊本其字下衍總衰二字。據注及上下文義刪。

大札大荒大栽素服注下疏。彼衣布謂常服。此素服謂祈禱。刊本脫此素服三字。各本俱脫。據文義及下

節釋齊服素端增。

公之服疏。今以次轉相如。刊本如訛於。據經及後疏改。

玄端素端注下疏。衣袂二尺二寸。喪服記文。刊本文訛云。今改。

薦加豆籩注下疏。卽醢人籩人加豆加籩之實是也。刊本之訛加。據醢人籩人職文改。

以爵等爲丘封之度。與其樹數注下疏。庶人不封不樹。刊本封訛墳。據王制改。

及葬言鸞車象人注下疏。孔子謂爲芻靈者善。刊本爲訛其。據疏及檀弓改。

掌其度數注下疏。云度數爵等之大小者。刊本爵等訛等爵。據注改。

## 卷二十二

大司樂凡有道者有德者使教焉注。若舜命夔典樂。教育子。案育字。經典釋文音冑。疑鄭氏所據尙書本異。

以樂舞教國子注。堯能殫均刑法以儀民。音義。殫。待戰反。案經典釋文待作時。

大夏疏二十舞大夏卽此六舞也刊本六訛大據明監本改。

凡樂疏六成復綴以崇刊本崇字下衍天子二字據明監本及禮記樂記刪。又注下疏三者恒相埒刊

本埒訛將據明聞人詮校本改。又冬有星孛於大辰刊本星訛心據左傳改。又人宮所生大呂爲

角刊本人訛天據注改。

大射令奏騶虞音義騶側留反刊本側訛則據經典釋文改。

卷二十三

行以肆夏注下疏九夏皆歌之大者刊本歌作詩據鍾師注改。

凡樂成則告備注下疏又引燕禮者刊本引訛云據明聞人詮校本改。

詔來警臯舞注呼擊鼓者刊本擊訛繫據文義改。

凡喪陳樂器疏竽笙備而不和刊本竽笙訛笙竽據禮記檀弓改。

展樂器注下疏樂器謂鼓鐘笙磬柷敔之等刊本柷訛祝據小師職文改。

小師掌教鼓鼗柷敔塤簫管弦歌注塤六空管如篪六空刊本二空字俱訛孔據經典釋文及音義空音

孔改。又命大子樂官有焉各本予訛子疏同據漢書改。

簫管注如今賣飴錫所吹者刊本今訛令據注改。

典同掌六律六同之和注下疏并大師執同刊本并訛并今改。又其竅厚均者刊本厚均訛均厚據漢

書改 又一說崑崙之北谷名也刊本名訛口據漢書注改

卷二十四

凡軍之夜三鑿皆鼓之注下疏寶將擲注云振謂行夜刊本訛作夜行據左傳注經典釋文改

國祭蜡則歛頤頤注下疏凡言頤者頤頤美成功之事故於七月風詩之中亦有雅頤也案此段言頤不言

雅雅字疑衍

掌三易之灋注連山慮戲刊本慮訛密據注及經典釋文改

其經運十其別九十注運當爲輝是眡祲所掌十輝也刊本眡訛眠據經疏改

以邦事作龜之八命注下疏還即席西面坐刊本席字下衍乃字據儀禮刪

揚火以作龜致其墨注致其墨者熟灼之熟字疑是熟字之訛

旅亦如之爽亦如之疏即今大背螭龜也刊本螭作蠃 又山澤水火皆說龜生之處所也刊本龜生訛

生出俱據爾雅注改

卷二十五

乃舍萌于四方注下疏芒而直出曰萌案此係月令萌者盡達注此引作樂記區萌達注誤又月令注作

芒而直曰萌無出字此誤衍

四曰藝注下疏云藝如日食以朱絲繫社者刊本藝訛繫據注改

二曰命注。主爲其命也。刊本注訛王。據疏改。

六曰誅注。不愆遺一老。刊本愆訛愬。據經典釋文改。

七曰絕祭注。右取肺。據鄉飲酒禮作右手取肺。

言甸人讀禱注下疏。案甸師職云。刊本師訛人。據經改。

卷二十六

甸祝疏。當此貉祭之時。甸祝爲號。刊本甸訛田。據經改。

師甸注下疏。漬以美酒。塗置瓶中百日。則成矣。刊本瓶訛甄。據明聞人詮校本改。

作盟詛之載辭注下疏。宋寺人伊戾坎用牲加書。爲世子痊僞與楚客盟。案左傳坎作飲。痊下無僞字。係

鄭氏司盟注約左傳文。此訛衍。

若國大旱則帥巫無舞雩注下疏。帥而舞旱暵之事。刊本事訛祀。據舞師職文改。

馮相掌十有二歲注。歲日月辰星宿之位。刊本辰字訛在星字下。據下注及疏改。

以辨四時之敘注下疏。夏至惟尺五寸景也。刊本夏至訛至夏。據大司徒職經注改。

以十有二氣之相注。十二歲而一周。刊本一訛小。據明聞人詮校本改。

卷二十七

樊纓十有再就注下疏。此樊纓十二就之屬。刊本此下衍中字。據文義刪。

金路注下疏。雖是異姓。得以乘金路。刊本得以訛庶姓。據文義改。

木路前樊鵠纓注下疏。而賈氏謂前纓有結。刊本謂訛爲據。明聞人詮校本改。

車僕掌平車之萃注。杜子春云。平車當爲駟車。其字當爲萃。書亦或爲萃。案此子春破故書平字。明當作

萃。字義顯然。各本平訛萃。下二萃字俱訛萃。據文義改。

司常掌九旗之物。各有屬注。屬謂徽識也。大傳爲之徽號。案明聞人詮校本爲作謂。

孤卿建旆注下疏。卿合建旆。刊本旆訛旆。據經改。

皆畫其象焉注下疏。上言旌旗之文。此言旌旗之細者也。刊本旗訛旆。據注改。

都宗人注下疏。案史記伏犧以前。刊本脫記字。據明聞人詮校本增。

凡以神仕者注下疏。春秋文二年。大事於太廟。案此本春秋公羊傳及何休注文。刊本春秋訛左傳。今改。

以冬至日致天神人鬼。刊本鬼訛魁。據明監本改。

### 卷二十八夏官

大國三軍注下疏。鄭答林碩爲三軍之大數者。以實言之也。刊本三軍訛二萬。據詩魯頌疏改。

凡制軍注下疏。多以軍爲名。謂征伐。刊本多訛軍。據上文云出兵而多以軍爲名改。

小子下士二人。史一人。徒八人注下疏。在此者。以其職有掌祭祀。刊本祭字上衍小字。據小子職刪。

都司馬注。都。王子弟所封及三公采地也。刊本三公下衍衆字。據疏及毛本刪。又既是軍故在此也。案



注云。司馬主其軍賦。此當作既是軍賦。故在此也。軍下脫賦字。  
家司馬注下疏。案載師職家邑任稍地。刊本案訛接。據毛本改。

卷二十九

暴內陵外則壇之注。壇讀從憚之以威之憚。書亦或爲墀。案此係鄭司農引爲讀壇從憚之證。應作書亦  
或爲憚。音義憚。徒旦反。下同。明指此憚字。今據改。

挾日而斂之。音義挾。子協反。刊本挾字上衍始直吏反四字。案始字無直吏反之音。檢釋文作治象直吏  
反。蓋訛入天官治象之音。非始音也。今刪。

中春教振旅注下疏。是以書傳云。戰鬪不可空習。刊本云訛文。據尙書大傳略說改。  
辨鼓鐸錫鏡之用注下疏。鄭引鼓人職者。刊本職訛執。據注改。

中夏教芟舍如振旅之陳注下疏。卽下注三者。案此指下注鄉遂之屬謂之名三事。各本下訛上。據注改。  
若師不功則厭而奉主車注。故秦伯之敗於殽也。疏。秦師還至殽。刊本殽俱訛散。音義疏同。據經典釋文  
改。

喪祭奉詔馬牲注。蓋大遣奠也。刊本脫大字。據疏增。

卷三十

凡受馬於有司者書其齒毛與其賈注。償以齒毛。刊本齒毛訛毛齒。據經及疏改。

若有馬訟則聽之注。謂賣買之言相負。案負字無解。疏亦不釋。釋文義疑是質字之訛。量市朝疏。云量市朝道巷門渠者。刊本脫門渠二字。據經增。

凡祭祀饗賓注。若燕禮獻賓薦脯醢是也。刊本禮訛行。據儀禮改。

國有故疏。謂使司險之下。徒四十人之屬。刊本徒上衍胥字。據序司險刪。射則取矢注。鄭司農云。王射則射鳥氏。主取其矢。刊本王訛主。據毛本改。

### 卷三十一

大僕前注。前正王視朝之位。刊本正訛在王字下。據疏及監本。毛本改。

凡祭祀掌士之戒令疏。謂祭末旅酬無算爵之時。刊本末訛未。據特牲饋食禮旅酬在祭畢時改。諸子掌國子之倅。音義倅。七內反。刊本七訛士。據監本。毛本及經典釋文改。

國之存遊倅注下疏。已是未仕。刊本未下衍在字。今刪。

郊祀裘冕疏。依禮緯含文嘉云。刊本文下復衍一文字。今刪。

方相氏注下疏。郊特牲云。鄉人禡。刊本禡訛儼。據禮記郊特牲改。

王不眠朝注。春秋傳曰。公有疾。不視朔。刊本及監本朔俱訛朝。據毛本及春秋經傳改。又疏引之者。證不視朝亦有故不視之意也。案此指本文不視朝言。各本朝訛朔。據文義改。

### 卷三十二

朱紘注下疏。紘一條屬兩端于武者。刊本紘訛纒。據注改。

各以其等爲之注。謂纒旂玉瑾。刊本脫謂字。據疏增。

夾弓庚弓。音義庚。師儒相傳讀庚。本作或庚。案庚無庚音。且旣作庚弓。不得又言本或作庚。以考工記作庚弓。及經典釋文音庚考之。此經當亦作庚。音義當作師儒相傳讀庚。本或作庚也。因各本俱訛。姑仍之。

贊牛耳桃茢注下疏。殺牲取血。旁有不祥。案旁字疑防字之訛。

齊右注下疏。惟有齊右道右三者。案齊右上當有戎右二字。各本俱脫。

祭軌疏。并祭軌之軾前。案軌之軾前。當作軾前之軌。

卷三十三

飾幣馬注。薦馬纓二就。疏三就者。謂馬駮三成飾之。刊本飾訛舒。據大行人上公之禮節疏改。

圍師射則充樞質注。習射處。案此三字義似未了。蓋蒙上樞質所射者言。充此以共習射之處用。而語有

訛脫。又注下疏。斬莖則苦蓋之類也。刊本苦訛苦。據注改。

七閩音義。閩亡巾反。又亡干反。刊本干訛千。及應劭音近文。刊本劭訛邵。並據經典釋文改。

五戎六狄之人民注下疏。爾雅惟有其數耳。刊本惟訛雖。據毛本改。

竹箭注。箭篠也。刊本篠訛篠。據毛本及經典釋文改。音義疏並改。

其山鎮曰會稽注下疏。山陰縣名。刊本縣訛郡。據漢書地理志改。又太史公曰。刊本脫曰字。據史記增。

又穿墻深七尺。壇高三尺。刊本穿訛冢。又脫壇字。又周方三畝。刊本三字訛在周字之上。據史記

集解增改。又禹葬會稽。不煩人徒。刊本脫人字。又山上有禹井禹祠。相傳云。下有羣鳥耘田焉。刊

本脫祠相二字。下訛一耘訛遊。據呂氏春秋。史記集解增改。又具區在五湖在吳南者。吳縣名。刊本

吳下衍南字。縣訛郡。又南江在吳南。刊本在訛自。據漢書地理志刪改。

其山鎮曰岱山。其澤藪曰鉅野注下疏。博興鉅野皆縣名。刊本皆下衍郡字。據漢書地理志刪。

東北曰幽州。其山鎮曰醫無閭。其澤藪曰貊養疏。瑯琊有萊山。刊本瑯訛琊。據漢書地理志改。

河南曰冀州。其山鎮曰霍山注下疏。在河東虞縣東。刊本虞縣訛縣處。據漢書地理志改。又漳水出上

黨沾大夏谷。案夏古要字。刊本訛作阻。據說文及水經注改。又汾陽歸德。皆縣名。刊本縣訛郡。據漢

書地理志改。

凡邦國注下疏。無附庸則為閒田。使大夫治之。以利民稅。案利字。疑是收字之誤。

以土地相宅而建邦國都鄙。刊本脫邦字。據明監本。聞人詮校本。及序官土方氏疏增。

匡人注下疏。書者。洪範皇極之章。刊本章訛事。據明監本。毛本改。

都司馬疏。若王家有軍事。刊本事訛士。據明監本。毛本改。

卷三十四 秋官

碧蔭氏音義碧音摘它歷反徐丈列反刊本丈訛支據明監本及經典釋文改

赤友氏音義友徐音跋刊本音訛昔據經典釋文改

上愿糾暴注愿懋慎也音義懋苦角反刊本苦訛若據毛本及經典釋文改

小司寇擯音義擯必刃反刊本必訛兵據經典釋文改

凡命夫命婦注下疏曰子夏傳云大夫者其男子之爲大夫者也刊本上大字訛命據喪服子夏傳及明監本毛本改

二曰色聽注下疏體慙曰遂刊本遂訛悛據小爾雅改

一曰誓用之于軍旅二曰誥用之于會同注誓誥于書則甘誓湯誓大誥康誥之屬刊本脫湯誓二字據

疏及明監本增又音義誥古報反刊本古訛戶據經典釋文改

掌士之八成注下疏依前比類決之刊本依訛以據明監本毛本改

一曰邦洵注邦洵者刊本邦作國據經改

考證監本脫及春官籥章五字刊本及訛春據疏內所補改

卷三十五

若欲免之疏恐有濫行行字疑刑字之誤

三月而上獄訟于國注三月乃上要者案文義者字當在下句又變朝言國下

受其入征者疏青丘之山其陽多玉刊本丘訛乏據山海經南山經改

凡幾理沈辜注幾讀爲祓祭山曰祓縣刊本祓訛依考爾雅作廢案此係鄭司農引之以證讀幾爲祓之說字當作祓檢經典釋文亦作祓蓋司農爾雅本與今所傳郭本異也今據經典釋文改但經典釋文祓旁支訛作支又據廣韻改

上罪梏拳而桎音義梏苦毒反刊本脫音義二字今增

掌戮掌斬殺賊謀而搏之注下疏刑五而已刊本訛作大刑有五據國語改

又鉅以笮之案此句俯侵

下其次用鑽笮之義必有誤檢國語韋昭注作斷截用鉅此笮字疑作截又齊侯親鼓之遂取龍刊本取訛滅據左傳改

凡殺其親者焚之注下疏棄如流宥之刑刊本棄訛所據注及周易改

### 卷三十六

比國郊及野之道路注下疏此經所云主爲賓客在道須得供承守衛之事刊本主訛王承訛丞據文義改

若有死于道路者注有部界之吏刊本部訛郡各本俱訛據玉海引此注改

凡誓執鞭以趨于前且命之注下疏若且命以下案此指經文且命之以下誓詞而言刊本下訛上據經改

卷三十七

時會以發四方之禁注下疏。或一國或五國謀叛不順。五字當是二字之誤。

象胥注。此官正爲象者。周始有。越裳重譯而來獻。是因通言語之官爲象胥。案此引尙書大傳交趾之南。

有越裳國。以三象重九譯而獻白雉。以明通言語之官所以取名南方象之故。刊本脫裳字。今增。

達天下之六節注下疏。知公之子弟亦有采地者。刊本弟訛孫。據注改。

合六幣注下疏。彼朝聘之圭璋。刊本璋訛特。據文義改。又見玉人職云。璋琮八寸。刊本璋訛璧。據考工

記改。

卷三十八

主君郊勞交擯三辭疏。三辭者。賓三辭。主君以禮來於外。刊本賓三辭三訛一。據經改。

及將幣疏。主君在大門內之東。刊本內訛外。據下云傳辭訖。主君乘車出大門。則此傳辭時當在門內。今

改。又上相卽上擯上介。刊本上相訛相入。據文義改。又故此交擯亦得介紹而傳命也。刊本介紹

訛紹介。據注改。

致贈郊送皆如將幣之儀注下疏。致贈郊送亦然。刊本贈訛聘。據經改。

賓繼主君皆如主國之禮注。故曰皆如主國之禮。刊本主訛三。據毛本改。又注下疏云。其於衰公又當

三十。刊本於訛餘。據注改。

至於朝詔其位疏。周社亳社。刊本亳訛亳。今改。

卷三十九冬官

粵之無縛也。注下疏。矜卽前注攢。刊本攢訛攢。據上節注改。

知者創物注。無句作磬。刊本磬訛磬。據禮記明堂位注改。

搏埴之工二搏字。各本及釋文俱作搏。釋文音團。音博。以聲義考之。音團者。手旁當作專。音博者。手旁當作專。此注云搏之言柏也。取音聲相近爲訓。則讀博音从手旁專無疑。今改注音義疏並改。又音義。按讀爲刮者。刊本刮訛括。據注改。

攻木之工疏。注侏儒扶廬。矛矜是也。案國語無矛矜二字。

旣摩革色青白注。謂丸漆之。刊本丸訛凡。音義疏並訛。據明監本及經典釋文改。

俸以行山則是搏以行石也。音義搏徒丸反。刊本丸訛凡。據字音改。

卷四十

國馬之轉疏。廋人云。馬八尺以上爲龍。刊本廋訛廋。據夏官改。

故登陬者倍任者也。注下疏。案方言。車紂自關而東。刊本車訛本。據方言改。

弧旌枉矢以象弧也。疏以衣韜其弓。謂之弓韜。月令帶以弓韜是也。刊本韜俱訛韜。據月令改。

段氏爲鑄器注下疏。錢銑鑄。刊本銑下衍錢字。鑄下脫鑄字。據毛詩疏刪增。



長內則折前短內則不疾注下疏。援四之八寸。刊本四訛曲。據上經改。

卷四十一

磬氏爲磬注下疏。案樂經云。磬前長三律二尺七寸。刊本脫經字。據三禮圖引樂經改。

謂之小蟲之屬。音義。蚣。息容反。刊本息訛思。據釋文改。又注下疏。蚘。蟻。蟻。刊本蚘訛蚊。據爾雅改。又

幽州人謂之春箕。刊本春訛春。又長角長股。刊本脫上長字。據毛詩及爾雅疏改增。

梓人爲飲器注下疏。爵制。今韓詩說至不滿豆矣。俱許慎五經異義文。故下云鄭駁之云。蓋引鄭駁異義

也。此爵制上脫異義二字。

四阿重屋注。四阿。若今四注屋。案四注。四面有霤也。刊本及監本。毛本注俱訛柱。據儀禮士冠禮疏引此

注改。疏並改。

卷四十二

九夫爲井疏。其澮廣二尋。深二仞。刊本仞訛刃。據經改。又小爾雅。四尺曰仞。刊本脫小字。據小爾雅增。

又二謂十二而稅。刊本二訛三。據論語注改。

凡昵之類不能方注。脂膏臚敗之臚。刊本臚敗訛敗臚。據注改。

覆之而角至謂之句弓。音義。句。九具反。沈音鉤。刊本音訛皆。據經典釋文改。

# 周官新義王安石撰

## 卷一天官一

體國經野。設官分職。以爲民極。義宮門城闈堂室之類。高下廣狹之制。凡在國者。莫不有體。此之謂體國。案鄭康成注云。體猶分也。賈公彥疏云。分國城之中爲九經九緯。左祖右社之屬。今云宮門城闈之類。莫不有體。終不如注疏之說爲長。又極之字。從木。從亟。木之極者。屋極是也。案安石集。字說序云。聲之抑揚。開塞合散出入。形之衡從。曲直邪正。上下內外左右。皆有自然之義。非私智所能爲。余讀說文。時有所悟。因作字說。以所推經義附之。則極字從木從亟云云。其初本用以解經。其後乃彙爲字說也。以八法治官府。義六官聯事。則有故常。案鄭注。官常謂各領其官之常職。非連事通職所共。今云六官聯事。則有故常。則官常與官聯無分。

正月之吉。義朔月謂之吉。則明生之幾故也。案明生之義。蓋取易大傳幾者動之微。吉之先見之義。但以解朔月謂吉之義。似涉附會。

## 卷二天官二

以官府之六屬舉邦治。義蓋治所不能及。然後教。案此似用老子先道而後德之義。非經之本旨。以聽官府之六計。弊羣吏之治。義治亂謂之亂。治擾謂之擾。則治弊謂之弊矣。案弊。鄭注云。斷也。今日治

弊謂之弊與鄭說異。

治其施舍義。施惠焉謂之施。舍政役焉謂之舍。案施舍。鄭注云。不給役者。今云施惠焉謂之施。則施別爲一事。與鄭說異。

循以木鐸義。有令焉必循鐸奮之者。蓋將以禁人。則宜使之皆知。不使之不知也。原本不使訛皆使。今改。

卷三天官三

宮正以時比宮中之官府。次舍之衆寡。爲之版以待義。使居其處。待所爲也。原本脫居字。今據注疏補。卒食以樂徹于造。造。至也。致食于是。然後進而御王。及其卒也。徹于所致而置焉。案鄭注云。造。作也。又引鄭司農云。謂食之故所居處也。安石用司農說。故云致食于是。然後進而御王。卽內則所謂天子之闕左達五右達五也。疏謂二鄭義同。非是。

王齊日三舉義。然此特祭祀之齊。尙未及夫心齊也。案心齊之義。本莊子。但莊子以不飲酒不茹葷爲祭祀之齊。與周官齊日三舉之齊。義各不同。安石蓋借用。

大喪則不舉義。王以能承順天地。和理神人。使無災害變故。故宜享備味。原本味訛位。今改。

卷四天官四

獸醫義。人言死終。獸言死。則以物之所死。有不可察故也。原本作有以物之所死。不可察。今據文義改。

卷五天官五

大府義受藏之府。則若職內掌邦之賦入者是也。受用之府。則若職歲掌邦之賦出者是也。案安石集乞改三經義誤字劄子云。受藏之府。則若職內掌邦之賦入是也。受用之府。則若職歲掌邦之賦出是也。以上三十字今欲刪去。題注下云。元豐三年八月二十八日奉聖旨。宜令國子監依所奏照會改正。而永樂大典仍係未改之本。入字出字下又多二者字。

玉府主齊則共食玉義。北齊李預常得食法。采而食之。及其死也。形不壞而無穢氣。案食玉。鄭司農云。當食玉屑。不過少許。以助精明之養。此乃引北齊李預事。則後世服食之法。似失經旨。

卿大夫則共麋侯義。卿大夫以養人爲事。養人則以除患害爲先故也。案王與之周禮訂義引安石說作卿大夫之德則能養人而已。不能除患。不足以養人。與永樂大典不同。而義皆可通。訂義或別有據。今仍原本。

#### 卷六地官一

乃經土地而井牧其田野義。至于興兵之際。乃八陣圖之法。案地官解義原本闕。間見于王氏訂義。今以校補此條。語意似未完。或由訂義節錄。今無別本可校。姑仍其舊。

黨正各掌其黨之政令。案安石集乞改三經義誤字劄子云。黨正歲屬其民者四。四當作五。今地官原本闕。附訂於此。

#### 卷七地官二

國凶荒札喪。則市無征而作布。案安石集與人書云。孟子所謂市廛而不征。法而不廛者。先儒以國中之地。謂之廛。以周官考之。此說是也。蓋制商賈者。惡其盛。盛則人去。本者衆。又惡其衰。衰則貨不通。故制法以權之。稍盛則廛而不征。已衰則法而不廛。文王之時。關市譏而不征。周公制禮。則凶荒札喪。然後無征。蓋所以權之也。此可補原本地官之闕。

泉府掌以市之征布。斂市之不售。貨之滯於民用者。案楊時辨神宗日錄云。周官泉府之法。所以通貨賄也。若果子非有不售而滯於民用者。而官斂之。此與賤丈夫之罔市利何異。安石乃以爲周公制法如此。細大並舉。乃爲政體。不亦謬乎。又凡民之貨者。與其有司辨而受之。以國服爲之息。案安石與友人論青苗云。一部周禮。理財居其半。必貸之而後。可以待其饑不足。此誤解周禮以禍宋之由也。歷代諸儒。皆力辯之。今地官原本闕。其說不可考矣。

五家爲鄰。義比相保。則鄰亦相保。閭相受。則里亦相受。族相葬。則鄣亦相葬矣。案相保。相受。相葬。相救。相賙。見于大司徒之治鄉。遂人初無明文。安石蓋同大司徒之職。推之而意其然耳。

以興耒利。毗義。孟子曰。惟助爲有公田。許慎釋耒。以殷人七十而助。則助耒一也。案鄭注云。杜子春讀耒爲助。安石引說文釋興耒。蓋耒助。古今字。

里宰掌比其邑之衆寡。案楊時集辨神宗日錄云。周官平頌其興積。新義曰。無問其欲否。概予之也。故謂之平。今地官原本闕。據王氏訂義補不載此二句。

卷八春官一

以禋祀祀昊天上帝。義禋者，意之精也。無事于氣矣。案鄭注：禋之言煙，周人尚臭，煙氣之臭聞者。疏云：尚書洛誥：予以秬鬯二卣，明禋。注云：禋，芬芳之祭。又周語云：精意以享，謂之禋。則精意仍藉煙氣之芬芳以達。今云意之精者無事于氣，似不如注疏之周密。

秋見曰覲，冬見曰遇。義秋非萬物相見之時，于是見焉，可謂勤矣。故秋見曰覲。案鄭注云：覲之言勤也。欲其勤王之事，此云非相見之時，故曰覲。蓋從秋字生解而義反疏。又莫爲之宗，亦莫之宗，其見也若邂逅然。故曰遇。案此又因夏見曰宗而附會之，亦非本意。

卷九春官二

司尊彝，義朝獻，卽朝踐也。以簋豆言之，則曰踐，以爵言之，則曰獻，相備也。案鄭注云：變朝踐爲朝獻者，尊相因也。王義似較注說爲直截。

王晉大圭，執鎮圭，義故書珍爲鎮。當從故書以鎮爲正。案鄭注：故書鎮作瑱，瑱讀爲鎮。此云珍爲鎮，與今注本不同。或別有所據，今仍原本。又駟圭璋璧琮琥璜之渠眉，疏璧琮以斂尸義。六物皆爲渠眉，璧琮文疏焉。左右手足腹背各以其物會而斂也。案安石集乞改三經義誤字劄子云：典瑞手足腹背手當作首。今永樂大典仍係未改本作手字。

凡祭墓爲尸義。山林之尸則以山虞。案安石集乞改三經義誤字劄子云：豕人山林之尸則以山虞以上

八字今欲刪去永樂大典仍係未改本存此八字。

卷十春官三

大司樂掌成均之法義。教學之道成其虧。均其過不及而已。謂之成均。義蓋取此案成均者。成卽樂之一成。書云簫韶九成是也。均古韻字。鄭司農云均調也。樂師主調其音。國語曰律所以立均出度是也。此云成其虧均其過不及殊乖古訓。

籥章義。爾雅爾頌謂之雅頌。則非七月之詩。蓋若九夏亡之矣。案爾雅爾頌先儒分七月之詩以當之。朱子疑卽雅之甫田大田頌之載芟良耜。今以爲其詩已亡。以諸經參考之。當從朱子說爲是。

卷十一春官四

大祝掌六祝之辭。以事鬼神示祈福祥。求永貞義。年祝所謂逆時雨寧風旱。瑞祝則若金縢植璧秉圭。案鄭注年祝求永貞也。瑞祝逆時雨寧風旱也。疏云祈永貞是命年之事。逆時雨寧風旱二者似若天之應瑞。故謂之瑞。據此仍當以注說爲正。

辨九祭義。唯衍炮燎祭無所經見。案鄭注衍當爲延。炮當爲包。聲之誤也。延祭者。曲禮曰主人延客祭是也。包猶兼也。兼祭者有司徹曰尸受兼祭于豆祭是也。此云衍炮之祭無所經見。當以康成說有改字之嫌。故不從之歟。

辨九擇以享右祭祀義。享尊在己上者。右尊在己右者。案享右祭祀注云享獻也。謂朝獻饋獻。右讀爲侑。

侑勸尸食而拜。王氏當嫌康成改字，故不從之。然于祭禮反無所據，不如仍從康成之說。保章氏掌天星，義掌天星者，掌天與星也。案天之行及日月之行度，非星無以見，故曰掌天星以志日月星辰之變動，釋經意似不當分言。

卷十二夏官一

凡宰祭與鬱人受粢歷而皆飲之，義受粢傳之他器而皆飲之也。案歷字，疏謂鬱入與量人歷皆飲之也。考之少牢饋食，有司徹諸禮，亦無傳之他器之文。王氏不知何據。又夏官永樂大典原闕，今據王氏訂義校補。

卷十三夏官二

御僕掌羣吏之逆及庶民之復，義庶民之復，大司寇所謂遠近悖獨老幼之欲有復于上者。案安石集乞改三經義誤字，劄子云：御僕掌萬民之復，復當作逆。今原本闕夏官，此據王氏訂義補錄，無此六字。然考經文仍當作復，不當作逆。

祭軌乃飲，案安石乞改三經義誤字，劄子云：大馭有軌也，軌當作軌。今原本闕夏官，然考鄭注，故書軌爲祀。杜子春云：軌當作祀，車前軾也，則仍當作軌，不當作軌。

卷十四秋官一

以圖土聚教罷民，義亦不可以一年而足，故不齒三年。原本脫上年字，今據經文增。



以嘉石平罷民義。嘉合禮之善也。案嘉石。鄭注爲文石也。王氏說似非本意。以肺石達窮民義。肺之情憂其竅爲鼻。案鄭注。肺石。赤石也。王氏之說亦非本意。

卷十五秋官二

異其死刑之罪而要之義。死刑之罪定而又要之。若今責伏辨矣。案伏辨疑是宋時文書中語。鄭注云。若今勅矣。勅亦漢法也。

左九棘。面三槐。義棘之爲木也。其華白。義行之發也。其實赤。事功之就也。槐之爲木也。其華黃。中德之暢也。其實玄。至道之復也。案此義涉乎鑿。

秋繩而芟之義。夷而又生。生而芟之也。鄭氏謂含實曰繩。蓋以繩爲繩。案鄭注含實曰繩。釋文云。繩。音孕。繩。古孕字。王氏夷而又生云。蓋不從鄭說。

卷十六秋官三

以九儀辨諸侯之命義。三公八命。出封加一命。則謂之上公。案安石集乞改三經義。誤字。劄子云。大行人。三公八命。出封加一命。則謂之上公。已上十四字。今欲刪去。永樂大典仍係未改本。

詔王儀南鄉見諸侯義。鄭氏謂土揖。下手揖之。案下。原本訛不。據鄭注。土揖。推手小下之也。今改。

附卷上考工記一

考工記。案安石新義止解五官。不及考工記。其見於永樂大典者。乃鄭宗顏綴緝字說。以附於考工記。故

其解多係字義而經義則未之及。

天有時地有氣義氣或又從米米食氣也。夫米殘生傷性。是此近道家之說。蓋道家尙服氣辟穀故也。不宜用以解經。

人長八尺登下以爲節義。度土高深用仞人以度之。刃以志之。考工記曰。人長八尺登下以爲節。案此條解仞字而引考工記云云。顯係字說原文。初非考工記解。

卷下考工記二

梓人爲筍簾義。柷木爲之中空焉。空聲之所生。原本空訛控。今改。

車人爲車。案王氏原無考工記解。鄭宗顏不過摘取字說之及于考工者。故車人以下多無解。

